



明
前
卷
武
82
54



幼科證治準繩集之八

金壇王肯堂字泰甫輯

疳

內經曰數食肥令入內熱數食甘令入中滿蓋其病
 因肥甘所致故命名曰疳若夫襁褓中之乳子與四
 五歲之孩提乳哺未息胃氣未全而穀氣尚未充也
 父母不能調將惟務姑息舐犢之愛遂令恣食肥甘
 與夫瓜果生冷及一切烹飪調和之味朝飧暮噉漸
 成積滯膠固以致身熱體瘦面色痿黃或肚大青筋

疳疔

疳疔



蟲痛瀉利而諸疳之證作矣。錢諸疳皆脾胃之病
內亡津液之所作也。因大病或吐瀉後醫又以藥吐
下致脾胃虛弱失津液且小兒病疳皆愚醫之所
壞病假如潮熱是一臟虛一臟實而內發虛熱也法
當補母而瀉本臟則愈。假令日中發潮熱是心虛熱
也肝為心母法宜先補肝母肝實而後瀉心心得母
氣則內平而潮熱自愈。醫見潮熱妄謂其實乃以大
黃牙硝輩諸冷藥利之利既多而不能禁則津液內
亡漸成疳也。又如癖病發作寒熱飲水脇下有形硬
痛法當用藥漸消磨之醫反以巴豆礪砂輩駛藥下

之小兒易虛易實下之既過胃中津液耗損漸成疳
瘦又有病傷寒五六日間有下證以冷藥下之太過
致脾胃虛而津液少即便引飲不止而生熱也熱氣
內耗肌肉外消他邪相干證變諸端亦成疳病又有
吐瀉久病或醫妄下之其虛益甚津液煩躁亦能成
疳也。小兒病癖由乳食不消伏在腹中乍涼乍熱
飲水不止或喘而嗽與潮熱相類若不早治必成勞
疳以其有癖癥則令兒不食致脾胃虛而發熱故引
飲也飲多即蕩滌脾胃亡失津液不能傳化水穀其
脉沉細益不能飲食致脾胃虛衰四肢不舉諸邪遂

生羸瘦而成疳矣。楊兒童二十歲以下其病為疳。二十歲以上其病為癆。疳與癆皆氣血虛憊腸胃受傷致之。同出而異名也。何者小兒臟腑嬌嫩飽則易傷乳哺飲食一或失常不為疳者鮮矣。疳皆乳食不調甘肥無節而作也。或嬰幼闕乳粥飯太早耗傷形氣則疳之根生。或三兩晷後乳食稍多過飽無度則疳以傷得。或恣食甘肥粘膩生冷鹹醋以滯中脘則疳因積成。或乳母寒暄失理飲食乖常喜怒房勞即與兒乳則疳因母患傳氣而入。此非病家不能調適之過乎。疳皆脾胃受病內無津液而作也。有因吐瀉

之後妄施吐下津液虛竭得之者有因潮熱大下利無禁約胃中焦燥得之者有因傷寒裏證冷厥太過渴引水漿變而生熱熱氣未散復於他邪得之者又有病癖寒熱脇下痛硬或者不能漸與消磨遽以礪巴峻決津液暴傷得之者此非醫家輕藥壞病之過乎。疳之為候頭皮光急毛髮焦稀頰縮鼻乾口嚙唇白兩眼昏爛揉鼻擗眉脊聳體黃鬪牙咬甲焦渴自汗尿白瀉酸肚脹腸鳴癖結潮熱酷嗜瓜果鹹酸炭米泥土而欲飲水者皆其候也。

證候

肝疳亦名風疳亦名筋疳

錢肝疳白膜遮睛筋疳

瀉血而瘦 湯肝疰眼白青眼睛澀癢 聖惠搖頭

揉目流汗徧身合面而卧面色青黃髮踈頭焦筋青

腦熱渾身瘡癬腹中積聚下痢頻多久而不痊轉甚

羸瘦 曾氏目生眵糞髮際左臉多青或白睛微黃

瀉利夾水或如苔色

心疰亦名驚疰 錢氏面黃頰赤身壯熱 湯氏口

内生瘡 聖惠渾身壯熱吐利無常頰赤面黃胸膈

煩滿鼻乾心躁口舌生瘡痢久不痊多下膿血有時

盜汗或乃虛驚 楊氏小便赤澀五心皆熱 曾氏

齧牙舒舌愛飲冷水喜伏眠於地

脾疰亦名食疰 錢氏面黃腹大食泥土 湯氏脾

疰食不消胃疰多吐 聖惠腹多筋脉喘促氣羸乳

食不多心腹脹滿多啼欬逆面色痿黃骨立毛焦形

枯力劣胸膈壅悶水穀不消口鼻常乾情意不悅愛

暗憎明腸胃不和利多酸臭 曾氏愛食冷物引飲

無度身面俱黃髮稀作穗頭大項小腹脹脚弱間或

釀瀉肌瘦日慢晝涼夜熱不思乳食 錢氏又云肥

疰即脾疰也身瘦虛黃乾而有瘡其候不一種種異

端今略舉之目澀或生白膜唇赤身乾黃或黑喜卧

冷地或食泥土身有瘡疥瀉青白黃沫水痢色變易

腹滿身耳鼻皆有瘡髮鬚作穗頭大項細極瘦飲水皆其證也 按此言脾疳證候多與餘疳相濫蓋疳為脾經本病固應兼之

肺疳亦名氣疳 錢氏氣喘口鼻生瘡 聖惠咳嗽氣逆皮毛乾焦饒涕多啼咽喉不利揉鼻齧甲壯熱憎寒唇邊赤瘰腹內氣脹乳食漸稀太腸不調頻頻泄利糞中米出皮上粟生 曾氏鼻下赤爛手足枯

細口有腥氣右腮眇白 腎疳亦名急疳亦名骨疳 錢氏腎疳極瘦身有瘡疥骨疳喜卧冷地 湯氏齒爪黑 聖惠肌骨消瘦

齒齦生瘡寒熱作時口鼻乾燥腦熱如火脚冷如冰吐逆既增乳食減少瀉利頻併下部開張肛門不收疳瘡癢痛 曾氏兩耳內外生瘡脚如鶴膝頭縫不合或未能行牙齒生遲其縫臭爛傳作走馬疳之類楊五臟疳傷大抵然爾析而論之曰五疳出蟲曰蛔疳曰脊疳曰腦疳曰乾疳曰疳渴曰疳瀉曰疳痢曰疳腫脹曰疳勞曰無辜疳曰丁奚曰哺露證狀非一可不舉宏撮要而條析之乎五疳出蟲者疳傷之源雖起於乳哺不調然臟腑停積已久莫不化而為蟲其蟲或如絲髮或如馬尾多出於頭項腹背之間黃

白或赤者可醫青黑則難療也蛔疳者失乳飯早食
肉太早或腸胃停蓄甜膩化為蛔蟲皺眉多啼嘔吐
清沫腹中乍痛肚脹青筋唇口紫黑腸頭齒癢是也
蛔雖食蟲蟲不可動從口鼻出者難治脊疳者蟲蝕脊脊身熱羸黃積
中生熱煩温下痢拍背如鼓鳴脊骨如鋸齒或十指
皆瘡頻齧爪甲是也腦疳者胎中素挾風熱生下乳
哺越常頭皮光急滿頭餅瘡腦熱如火髮結如穗遍
身多汗頤腫頤高是也臨產多慾亦然易損兒眼乾疳者瘦悴少
血舌乾多啼其病在心目不轉睛乾啼少淚其病在
肝身熱尿乾手足清冷其病在腎聲焦皮燥大便乾

結其病在肺搭口癡眠胃脘乾渴其病在脾總為五
乾疳是也疳渴者臟中夙有疳氣加之乳母恣食五
辛酒麪炙煨使小兒心肺壅熱日則煩渴引水乳食
不進夜則渴止是爾疳瀉者毛乾唇白額上青紋肚
脹腸鳴泄下糟粕是爾勿用熱藥止之疳痢者挾受風寒暑
濕或冷熱不調或停積宿滯水穀不聚頻下惡物是
爾疳腫脹者虛中有積其毒與氣交并故令腹肚緊
脹由是脾復受濕故令頭面脚手虛浮是爾法當積調氣
疳勞者潮熱往來五心煩熱手足心及胸前熱而發
瘡盜汗骨蒸嗽喘枯悴是爾或渴而復瀉飲水惡食

壯硬如石面色如銀斷不可活無辜疳者腦後項邊
有核如彈按之轉動軟而不疼其間有蟲如米粉不
速破之則蟲隨熱氣流散淫蝕臟腑以致肢體癢瘡
便利膿血壯熱羸瘦頭露骨高是爾鍼刺破膏藥貼或澣濯
兒衣露於簷下為雌鳥落羽所汚兒着此衣蟲入皮
毛亦致無辜之疾兒衣已曬須微火烘之其若手足
極細項小骨高尻削體瘦腹大臍突號哭胸陷或生
穀癥是為丁奚虛熱來往頭骨分開翻食吐蟲煩渴
嘔噦是為哺露丁奚哺露皆因脾胃久虛不能化水
穀以榮血氣故肌肉消鑠腎氣不足復為風冷所傷

使榮骨枯露亦有胎中受毒臟腑少血致之此皆無
辜種類之疾病而至此不幾殆哉又有小兒久患腎
疳內虛不食甚者天柱骨倒治法當用錢氏地黃左
加驅疳等劑仍與貼項強筋若不識證謂之五軟非
也天柱骨倒凡有三種有吐瀉日久羸弱成者有肝
膽伏熱面赤唇紅忽變此者有傷寒不及發表成者
是皆風邪入肝以致筋絡舒弛吐瀉者當調胃氣肝
熱者隨輕重以涼肝並與強筋貼項惟傷寒天柱骨
倒者難療故併及之

莊氏家傳小兒二十四候

第一候瀉膿血日漸瘦

是冷熱疳 第二候脚細肚高胸前骨生愛喫泥土
酸鹹日久通身黃時時吐逆下痢腹內疼痛是脾疳
第三候鼻下赤爛愛揉眼兼血痢是肺疳乃因喫
着承熱物或病後所損心肺加之欬嗽更以服涼冷
藥過多便上熱下冷漸漸昏沉日夜煩哭 第四候
皮虛皺面無顏色身上燥癢心煩 第五候毛髮稀
疎鼻生瘡是肺疳 第六候頭生瘡毛髮稀焦是肝
疳 第七候牙變黃赤不定是腎疳 第八候頭髮
焦乾鼻下瘡生是肺疳 第九候咬指甲毛髮作穗
四肢沉重是心疳 第十候肚上筋生齒蟲蝕是骨

疳 第十一候吐逆腹脹是胃疳又名妳疳 第
十二候齒斷鼻爛面無顏色心不思食是脾疳又名
口疳 第十三候愛合面臥多睡如醉腹脹氣急蓋
是因曾喫生肉如此腹內有蟲是心脾疳 第十四
候鼻內乾痛口中臭氣齒根有鮮血是肝肺疳 第
十五候脚細肚高并肚上有青脉是脾疳 第十六
候非時生瘡愛喫冷水是熱疳 第十七候皮膚上
生粟子糞中米出是脾冷疳 第十八候氣滿腹脹
及口乾是心胃疳 第十九候愛餐生米麩炭糲丸
是脾胃疳 第二十候揉鼻揩眼及咬指甲愛飲水

五疳
可治

是肝渴疳 第二十一候多寒熱愛卧不起是骨熱
疳 第二十二候愛飲水眼目不開是肝疳 第二
十三候肌體或熱或涼發渴無時是急疳 第二十
四候齒斷黑唇懶開則赤是心疳積熱
聖惠凡小兒疳在內眼澀腹脹痢色無常或如泔淀
且漸羸瘦此候可療若鼻下赤爛自揉鼻頭上有瘡
生疔痛癢漸漸流引涎於兩耳時時目赤頭髮稀疏
腦皮光緊頭大項細肌體羸瘦亦可治也若唇口被
蝕齒斷作五色或盡峭黑舌下有白瘡上齧有瘡子
口中時有臭氣齒斷漸染欲爛亦可治也若下部開

五疳
不可治

張有時赤爛癢不可忍下痢無常亦可治也若疳蝕
脊脊十指皆癢自咬指甲頭髮作穗脊骨如鋸有時
腹脹有時下痢若急治之無不差也
聖惠凡小兒肝藏疳若目睛帶青脈左脇下硬多吐
涎沫眼角左右有黑氣所衝不可治也心藏疳若愛
驚啼常好飲水便食辛味耳邊有脉舌上有黑黯者
不可治也脾藏疳若肚大唇無血色人中平滿下痢
無度水穀不消好喫泥土皮枯骨露不可治也肺藏
疳若欬逆氣促多瀉白沫身上有斑生如粟米大色
若黑者不可治也腎藏疳若愛食酸鹹飲水無度小

便如乳牙齒青黑耳腦乾燥肩竦骨枯不可治也又
五疳有五絕候一視着脚中指底不覺疼二抱着手
足垂躄無力三病未退遍身不煖四藏府瀉青涎及
沫不止五項筋舒展無力如此之候皆不可治也凡
醫用藥切在審詳也

治法

潔疳者小兒病癖或久吐瀉醫者妄投轉過之藥小
兒易為虛實致令胃虛而亡津液內發虛熱外消肌
肉一臟虛則諸臟皆弱其病目胞腫腹脹痢色無常
漸加瘦瘠久不痊可是腸胃有風積法當宣風散
熱導之後各依本臟補其母

錢諸疳皆依本臟補其母及與治疳藥冷則木香丸
熱則胡黃連丸主之疳在內目腫腹脹利色無常或
沫青白漸瘦弱此冷證也史君子丸主之疳在外鼻
下鼻爛自揉鼻頭上有瘡不着痂漸進耳生瘡治鼻
瘡爛蘭香散諸瘡白粉散主之 肝疳當補肝地黃
丸主之 心疳當補心安神丸主之 脾疳當補脾
益黃散主之 腎疳當補腎地黃丸主之 筋疳當
補肝地黃丸主之 肺疳當補脾肺益黃散主之
骨疳當補腎地黃丸主之 大抵疳病當辨冷熱肥
瘦其初病者為肥熱疳久病者為瘦冷疳冷者木香

九熱者胡黃連九冷熱之疳尤宜如聖九疳故小兒之藏府柔弱不可痛擊太下必亡津液而成疳凡有可下量大小虛實而下之則不至為疳也初病津液少者當生胃中津液白朮散主之惟多則妙楊熱者涼之冷者溫之冷熱者溫涼之此其要也熱疳病多在外鼻下赤爛頭瘡濕癢五心煩熱掀衣氣麤渴引冷水煩躁卧地肚熱脚冷潮熱往來皆熱疳也冷疳病多在內利色無常其沫青白肢體軟弱目腫面黃又一證躁渴卧地似有熱狀惟飲食不進滑泄無已亦冷疳也其有瀉多膿血日加瘦弱此則謂之冷

熱疳大抵疳之受病皆虛使然熱者虛中之熱冷者虛中之冷治熱不可妄表過涼治冷不可峻溫驟補故錢氏又曰小兒易為虛實脾虛不受寒溫服寒則生冷服溫則生熱當識此而勿誤是果非幼幼之綱領乎上醫處此消積和胃滋血調氣隨順藥餌以扶之淡薄飲食以養之榮衛調和臟腑自然充實一或過焉君子未保其往也取積之法又當權衡積者疳之母由積而虛謂之疳極諸有積者無不肚熱脚冷須酌量虛實而取之若積而虛甚則先與扶胃使胃氣內充然後為之微利若積朕乎虛則先與利導纔

子治法
疳積

得一泄急以和胃之劑為之扶虛然取積雖當疎利如白豆蔻蘿蔔子縮砂蓬朮消積等輩亦不可無脇間癖痛亦虛中之積也先寒後熱飲水不食或因飲冰以致喘嗽錢氏有癖為潮熱之說治法解散寒熱即與下癖合是而觀發作不同療治不一又可無權度於此哉 **曾**大抵疳之為病皆因過餐飲食於脾家一臟有積不治傳之餘臟而成五疳之疾若脾家病去則餘臟皆安苟失其治日久必有傳變然脾家病宜盧薈丸沉香檳榔丸 積或水晶丹 積烏犀丸 積更察虛實療之有蟲者投史君子丸 腹痛化蟲飲 腹

痛如心腹痛吐清水蟲自下多投二聖丸 腹痛諸疳證皆宜用局方五疳保童丸或萬應丸常服化積治疳仍各投本臟調理之劑寧心用茯神湯 驚悸調肝用耆歸湯調脾用參苓白朮散 不乳補肺用補肺散 咳嗽補腎用調元散庶各得其宜則前證不致再作 **演山**積是疳之母所以有積不治乃成疳候又有治積不下其積存而臟虛成疳尤重大抵小兒所患疳證泄瀉無時不作風候者何惟疳瀉名熱瀉其臟腑轉動有限所以不成風候雖瀉不風亦轉他證作渴虛熱煩躁下痢腫滿喘急皆疳候虛證古云疳虛

用補虛是知疳之為疾不可更利動臟腑發作之初
名曰疳氣腹大脹急名曰疳虛瀉痢頻併名曰疳積
五心虛煩名曰疳熱毛焦髮穗肚大青筋好喫異物
名曰疳極受病傳臟已極熱發往來形體枯槁面無神采無
血色名曰疳勞手足細小項長骨露尻醫無肉肚脹
臍突名曰疳食加嘔噦頭骨分開作渴引飲蟲從
口出名曰哺露此皆疳候又因多食生冷甘粘肥膩
積滯中脘不化久亦成疳治疳之法量候輕重理其
臟腑和其中脘順其二焦使胃氣溫而納食益脾元
壯以消化則臟腑自然調貼令氣脈與血脈相參壯

筋力與骨力俱健神清氣爽疳消蟲化漸次安愈若
以藥攻之五臟疎却腸胃下去積毒取出蟲子雖曰
醫療即非治法蓋小兒臟腑虛則生蟲虛則積滯虛
則疳羸虛則脹滿何更利下若更轉動腸胃致虛由
虛成疳疳虛證候乃作無辜無辜之孩難救矣
疳者乾也因脾胃津液乾涸而患在小兒為五疳在
大人為五勞總以調補胃氣為主
後列諸方其證候龐雜不能名為何等疳者即於通
治諸疳方內檢之若證候的與五疳等條下證候對
者即檢本疳方分寒熱虛實擇而用之常須識此勿

肝疳 疳疔 疳疔

冷誤也

肝疳楊氏云肝疳者由乳食不調肝藏受熱所致也若乳母寒温不調滋味不節或外感風寒內傷喜怒邪氣未散遽以乳兒多成風疳肝者眼之候上膈伏熱痰涎壅滯以致肝風入眼赤腫翳生眵淚爛眶痛癢揉擦昏暗雀盲甚至經月合眼亦名疳眼外證搖頭揉目白膜遮睛眼青淚多頭焦髮豎筋青腦熱甲癢筋攣燥渴汗多下痢瘡癬是也 錢氏以地黃丸主之 腎 楊氏以天麻丸生熟地黃湯主之 曾氏調肝用耆歸湯

天麻丸 治肝疳風疳疳眼

青黛 各半

川黃連

天麻

五靈脂 各半

夜明沙 微炒

川芎

目蘆薈 各兩

龍膽草

防風

蟬退 去足各壹錢半

全蝎 貳枚 焙

麝香 少許

乾蟾頭 炙焦叁錢

右為末豬膽汁浸糕丸麻子大每服十九薄荷湯下

生熟地黃湯

治疳眼閉合不開內有朦霧

生地黃

熟地黃 各半

川芎

疝
外和八
十四

赤茯苓

枳殼炒

杏仁水浸去皮

川黃連

半夏麩

天麻

地骨皮

甘草炙

當歸各貳錢半

右剉散每服二錢生薑三片黑豆十五粒水煎温服

服

耆歸湯 治小兒稟賦素弱豆瘡出不快者及肝虛

目視不明

黃耆壹兩蜜水塗炙

當歸酒洗焙乾

白芍藥

川芎各半兩

甘草炙參錢

右件咬咀每服二錢水一盞煎七分無時温服

張渙熊膽天麻丹 治風疝羸瘦搖頭揉目百脉拘

急

天麻

羌活

真熊膽

蟬殼

使君子去殼

胡黃連各壹兩

蘆薈

乾蟾酥炙各半兩

右件搗羅為細末粳米飯和如黍米大每服拾粒

煎荆芥湯下量兒大小加減

烏蟾丹

烏蛇酒浸去皮炙乾蟾酥炙

蛇蛻皮燒灰各壹兩

胡黃連半兩已上搗羅為細末次用

真蘆薈

麝香

熊膽各貳錢半並細研

右件同拌勻以粟米餅和如黍米大每服拾粒煎薄荷湯下乳前

莊氏家傳治小兒風疳順肝氣進飲食蘆薈丸

蘆薈

壹錢別研秤或只以皂角水磨

草龍膽壹兩淨洗剉焙

秤乾

右件藥一處搗羅為末用不蚰皂角三錠以水二升按汁用生絹濾去滓入銀器內慢火熬成膏入前二味藥調和得所丸如菉豆大每服三丸至五丸薄荷湯吞下

漢東王先生家寶治小兒風疳氣攻項下生核子皂

角膏方

皂角

大者壹莖燒存性

糯米

壹合炒黑色

草烏頭

貳錢生

黃皮

壹錢炒黑色

右為末每用不拘多少以井華水調貼如未安須用水精丹取後用調氣觀音人參散等藥補仍再貼兼與疳藥相間服

神妙觀音散 補虛調胃氣進乳食止吐瀉久不進

食

白扁豆

微炒

石蓮肉

炒去心

人參

焙各壹分

茯苓 壹錢 半焙

甘草 炙

香白芷

綿黃耆 搥碎用蜜水拌炙

木香 炒各壹錢

神麩 貳錢

右為末每服嬰孩一字二三歲半錢四五歲一錢

用水一藥注或半銀盞棗子半片煎十數沸服

人參散 補虛調胃氣進乳食止吐瀉

人參

茯苓

蓮肉 去心炒各壹分

黃耆 半兩搥蜜水拌炙 甘草 貳錢 炙

右為末每服嬰孩一字二三歲半錢四五歲一錢

以水一藥注或半銀盞入棗子半片煎十數沸服

莊氏第六候頭生瘡毛髮稀焦是肝疳方

肉豆蔻

蟾灰 全者壹箇

桔梗 炮

茯苓 煨

大黃 煨各壹兩

龍腦

麝香 各壹錢

右為末軟飯丸 麻子大粟米飲下三丸只可兩服

服

治小兒手足動眼自不開有時語笑或即嗔怒兼多

驚手指甲青狀形似死妄稱天鈞通神丸

茯苓

龍齒 各煨半兩

鈎丹

胡黃連 各壹分

銀箔 伍片

麝香 壹錢

鈞藤 壹兩

右為朱鍊蜜丸麻子大每十九丸米飲下莊氏第二十二候用

第三風疖小兒手足拘攣眼目不開有時自笑或嘔

怒驚叫手爪甲青狀似鬼形已似天癆須服金箔

茯苓散

金箔 伍片

茯苓

牛膝

胡黃連 各壹兩

龍骨 壹分

木香

麝香 各壹錢

左牛為末每服一字米飲下日一服忌油膩

心疖楊氏云由乳食不調心臟受熱所致也蓋其血

氣未定乳哺有傷易生壅滯內有滯熱未得疏通故

心神驚鬱而作驚疖之候外證身體壯熱臉赤唇紅

口舌生瘡胸膈煩悶小便赤澀五心皆熱盜汗發渴

齧齒虛驚是也 錢氏安神丸主之 薛氏用安神

丸以治心異功散以補脾 楊氏以茯苓丸錢氏安

神丸主之 曾氏寧心用茯神湯

朱砂安神丸 治心疖怔忡心中痞悶

朱砂 肆錢

黃連

生地黃 各半兩

生甘草 貳錢

蘭香葉 貳錢

銅青

輕粉各伍分

右為末乾敷上

茯苓丸 治心疝驚疝

茯神

蘆薈

琥珀

黃連淨

赤茯苓各叁錢

鈎藤皮

遠志肉薑製焙乾

蝦蟆灰各貳錢

石菖蒲壹錢

麝香少許

右為末粟米糊丸麻子大每服十九薄荷湯下

茯神湯 治心氣不足虛而驚悸日常煩哭及嬰孩

生下羸瘦多驚宜子母同服自然有效

茯神去皮木根壹兩

人參去蘆

當歸去蘆尾酒洗各半兩

甘草貳錢

右件咬咀每服二錢水一盞煎七分無時溫服有

微熱煩躁入麥門冬去心同煎

張渙參黃丹 治驚疝挾熱夜卧驚悸

乾蝎貳拾壹箇微炒

天漿子壹拾肆箇乾者微炒

人參

胡黃連各壹兩

天竺黃半兩研已上為

細末入

青黛

朱砂各壹分

龍腦壹錢並細研

右件一處拌勻煉蜜和如黍米大每服十粒人參

湯下量兒大小加減

天竺黃丹

天竺黃

壹兩 細研

晚蠶蛾

微炒

白殭蠶

微炒

川黃連

各半兩 已上搗羅為細末次用

朱砂

青黛

麝香

各壹分 並細研

右件件勻粳米餅和如黍米大每服七粒至十粒

煎人參湯下量兒大小加減

仙人水鑑治小兒驚疳朱砂丸 五歲至十五歲並

宜服之

朱砂

叁錢 研

青黛

壹兩 研

黃連

鬱金

為末

夜明砂

用炒焦黑 各半兩

麝香

熊膽

用冷水一宿各壹錢

右同研如粉次入浸熊膽水和為丸如棗豆大空

心臨臥金銀薄荷湯下三丸至五丸切忌生冷油

膩神効

萬全方真珠散 治小兒心疳體熱黃瘦

真珠

末

麥門冬

去心各半兩

天竺黃

金銀箔

各研伍拾片臨和加入諸藥末內

牛黃

麝香

各細研

胡黃連

甘草

羶羊角

屑

川太黃

炒

當歸

微炒

朱砂

犀角 屑各壹分

雄黃

茯神

右搗羅為散每服以茵陳湯調半錢量兒大小服之

朱氏治小兒肚大項小即是驚疳方

釣藤

甘草 各貳分

人參

瓜瓠 各壹分

右件為末以水一茶碗入藥二錢煎取六合去滓

重煎溫服

治五疳八痢心臧熱方

廬薈 半兩

輕粉

青黛

香墨

飛羅麩 各壹錢

史君子 壹箇

蝸牛 伍箇和肉炒焦細研

右為末研細滴米為丸芥子大生地黄汁化下

丸至一二丸薄荷湯亦得 莊氏第九候用此方

麝香丸 治小兒一切驚疳等病

草龍膽

胡黃連 各半兩

木香

蟬蛻 去頭足洗淨各壹錢

瓜蒂

龍腦

麝香

牛黃 各壹錢並各細研

右豬膽為丸如桐子及菘豆大驚疳或秘或瀉清

米飲送下小兒五七粒至一二十粒眼疳豬肝湯
下疳渴燻豬湯下豬肉湯下亦得驚風發搐眼上
竄薄荷湯下一丸更水研一丸滴鼻中牙疳瘡口
瘡研貼蟲痛苦棟根湯或白蕪荑湯送下百日內
小兒大小便不通水研封臍中有蟲候乾漆麝香
各少許并入生油壹兩點溫水化下一大丸慢驚
勿服

睡驚丸

治小兒一切驚疳食積風癩之證

史君子伍拾箇燒

香墨壹塊

金銀箔各柒片

膩粉貳錢

右先將史君子存性同墨研細次入金銀箔乳鉢
內研次入膩粉并麝香少許研令極細稀糊丸如
桐子大陰乾每服一丸薄荷湯磨下一歲已下半
丸一名青金丹極効

治小兒因喫着患熱病次腹痛并及驚風毒妳便

乃下痢吐逆又名妳疳

桃仁去皮尖炒

胡黃連各半兩

沉香

朱砂壹分

金箔伍片

右爲末軟飯丸麻子大米飲下五丸妳汁下亦得

莊氏第十一
候用此方

治小兒胃疳及進食方

胡黃連

蘆薈各壹分

肉豆蔻壹箇

檳榔

乾蟾各半箇

夜明砂半分

朱砂

麝香各半錢

右為末煉蜜丸葉豆大一歲一丸米飲反乳汁下亦得如是疳盛次加二丸至三丸取下蟲屎為驗

五日一服

治小兒心藏積熱生疳桃花丸

內寒水石壹兩用炭火燒熟研如麪細

朱砂半錢細研

色花

右為末水浸蒸餅丸如粟米大冷水下三五丸服旬日自然安妙莊氏第二十卷四候用此方

脾胃楊氏云由乳食不節脾胃受傷所致也或乳母

恣食生冷肥膩或乳兒過傷或飯後與乳致吐或乳

多眠久則變為乳癖腹脇結塊亦為疳疔外證面黃

身熱壯大脚弱吐逆中滿乏力叫啼水穀不消泄下

酸臭合面困睡減食喫泥是也錢氏益黃散主之

楊氏以靈脂丸同益黃散主之薛氏用四味肥

兒丸以治疳五味異功散以生土曾氏調脾用參

苓白朮散不乳食

刀斗八

二三

益黃散見脾

四味肥兒丸

治嘔吐不食腹脹成疳或作瀉不止

或食積脾疳目生雲翳口舌生瘡牙齦腐爛發熱瘦怯遍身生瘡又治小使澄白腹大青筋一切疳證

黃連炒

蕪荑

神麩

麥芽炒各等分

右為末水糊丸桐子大每服一二十九空心白滾湯送下

靈脂丸 治脾疳食疳

白豆蔻仁

麥蘖炒

五靈脂

縮砂仁

蓬朮煨

青皮去穢

橘紅

史君子焙

蝦蟇炙各錢

右為末米糊丸麻子大每服十九米湯下

神効換肌丸 治脾疳肌瘦潮熱盜汗泄瀉糟粕頭

大腹急

川黃連炒

鼈甲酒炙

肉豆蔻煨

使君子煨裏

神麩炒

麥芽炒各兩

訶子肉半錢

麝香五分

右為末糊丸芥子大米湯下

張渙木香煎 治食疴不知饑飽積滯內停腹大脚
細下痢無度

南木香 剉

胡黃連

羅為細末次用

麝香 壹分 細研

肉豆蔻 去殼各壹兩

使君子 去殼 五靈脂 各壹兩 已上搗

巴豆 柴筒去皮心膜 紙裏出油細研

右件同拌勻滴冰於石臼中搗一二百下和如黍
米大每服二粒至三粒溫生薑湯下乳食後看兒
大小加減

檳榔丹 能食不生肌肉宜常服

檳榔 乾裹炮麩 木香

代赭石 壹分 研已上各搗

麝香 壹分 細研

胡黃連 各壹兩

香墨 燒存性 細研

右件通拌勻糯米餅和如黍米大每服十粒煎橘
皮湯下食後量兒大小加減

肉豆蔻丹 肌瘦挾積常服尤佳

肉豆蔻 去殼 使君子 去殼

牽牛子 炒黃壹分已上搗

麝香 壹錢 研

青橘皮 炒黃各壹兩

蘆薈 壹分 研

右件一處拌勻用糯米餅和如黍米大每服十粒

生薑湯下食後量兒大小加減
聖惠木香丸 治小兒食疳腹中多痛太腸或刺鼻
癢乾瘦時有體熱

木香

胡黃連

蟾頭炙令

麝香

蘆薈

青黛

雄黃各細研

香墨

熊膽各壹分

使君子半兩

右件藥搗羅為末鍊蜜和丸如菉豆大每服以粥
飲下五丸量兒大小以意加減
訶梨勒丸 治小兒食疳水穀不消心腹脹滿好喫

泥土肌體瘦弱

訶梨勒皮叁分

肉豆蔻壹枚去殼

青黛

麝香

蘆薈

朱砂各細研

熊膽壹分

右件藥搗羅為末都研令勻用酒煮粳米飯和丸
如黍粒大每服以粥飲下三九日二服量兒大小
增減服之

桃花散 治小兒食疳腹脹

桃花壹分

乾蟾塗去酥炙

肉豆蔻去殼

青黛細研

赤芍藥

紫筍茶各半兩

右件藥搗細羅為散每服以溫粥飲調下半錢看

兒大小臨時加減

孔氏家傳治小兒脾疳方

胡黃連

史君子

五味子

檳榔各壹錢

南木香半錢

右為末粟飯丸如菉豆大飯內與五七丸日三服

大胡黃連丸錢治一切驚疳腹脹蟲動好喫泥土生

米不思飲食多睡吼哇藏府或瀉或秘肌膚黃瘦

毛焦髮黃飲水五心煩熱能殺蟲進飲食兼治瘡

癬常服不瀉痢唾泥如切

胡黃連

黃連

苦楝子

各壹兩

白蕪荑

去毒半兩

乾蟾頭

燒存性壹分

麝香

壹錢

青黛

另研壹錢半

蘆薈

壹分

右先將前四味為細末豬膽汁和為劑每壹丸如

胡桃大入巴豆仁壹枚置其中用油單紙一重裹

之同米一升許蒸米熟為度入後四味為丸少入

麩糊丸如麻子大與十九或十五丸清米飲下食

後臨卧日三服

大蕪荑湯又名梔子茯苓湯

治黃疸土色為熱當

小便不利

今反利者知黃色

髮黃脫落

知胸脫腎

乃濕熱之證 鼻下斷作瘡者 土逆行營 能乳者 胃中有
喜食土者 胃氣不足 面色黑者 為寒 大便青 屬寒 褐色血
黑色 血中 間黃色 有熱 治法當滋營潤燥 內除寒
熱外致津液

山梔

黃連

麻黃

羌活

柴胡

茯苓 各參分

黃蘗

甘草 各分

大蕪荑

白木 各伍分

防風 壹分

當歸 肆分

右件剉如麻豆大 作一服水一盞半煎至一盞去
查稍熱服食前

治小兒脾疳面黃多睡手足浮腫方

桑白皮 焙

漢防已 焙

人參

茯苓

胡黃連 炮

麝香 各壹分

右為末煉蜜丸如麻子大用米飲下五丸一日二

服 莊氏第十方

莊氏第二候脚細肚高胸前骨生愛喫泥土酸醜日
久通身黃時時吐逆下痢腹內疼痛是脾疳宜服

虎睛 壹對 焙

牛黃

朱砂

麝香 各壹分

桔梗 半兩 煨

右為末鍊蜜丸生薑湯下三丸至五丸

治小兒脾疳瀉血肚大氣喘方

丁香

白朮

龍腦

乾蝎

胡黃連

夜明砂炒各壹分

右為末軟飯丸米粒大蕪荑湯下

治小兒通身黃瘦大小便結澀脾所召也

漢防已炒

甘草炙各壹兩

桑白皮

木通

木香各半兩

檳榔壹箇

胡黃連壹分

右為末每服一錢水七分盞生薑少許煎至五六

分分溫二服莊氏第十五方

治小兒疳氣進飲食黃耆散

黃耆

五味子

厚朴薑汁炙

白朮

蒼朮

芍藥

甘草炙

陳橘皮

乾薑

乾蝎

當歸各壹兩

木瓜貳兩

右為末每服半錢米飲調下

丹小兒喫泥

石膏

黃芩

陳皮

茯苓

甘草

白朮

右為散煎服

經治小兒喫泥及臌肚

臌粉壹分用沙糖搜丸如麻子大空心米飲下

丸瀉出土瘥臌如掌切脹也

莊氏第十九候愛餐生米麩炭甄丸是脾胃疳蘆薈

丸治小兒驚風五疳

蘆薈

胡黃連

牛黃

天竺黃

草龍膽

茯苓各半兩

龍腦

麝香

人參

川大黃

雄黃各壹分

生犀屑貳分

右為末鍊蜜丸菴豆大每服三丸薄荷湯下温酒

亦得化下亦無妨

小兒脾疳常喫泥土日久遍身通黃醫人不識或呼

為陰黃宜服虎睛丸

虎睛壹箇

牛黃貳錢

桔梗

麝香

胡黃連各壹錢

右件為末煉蜜為丸麻子大每服三丸食前米飲

下日二服

師相楊氏云由乳食不調壅熱傷肺所致也肺主乎

氣鼻乃肺所通其氣不和則風濕乘虛客於皮毛入

於血脉故鼻下兩傍赤癢瘡濕各為鼻疳其瘡不痛

汗所流處隨卽生瘡亦名疔疔外證咳嗽喘逆壯熱
 惡寒皮膚粟生鼻瘡流涕咽喉不利頤爛吐紅氣脹
 毛焦泄痢頻併是也 錢氏主補脾生肺以益黃散
 主之 楊氏以清肺飲化蠶丸錢氏阿膠散主之
 薛氏用清肺飲以治肺益氣湯以生金 曾氏用補
 肺散
 地黃清肺飲 治肺熱疔疔咳嗽氣逆多喘壯熱惡
 寒
 桑白皮炒半兩 紫蘇 北前胡
 防風 赤茯苓 黃芩

當歸 天門冬去心 連翹
 桔梗 生地黃 甘草炙各錢半
 右劉散每服二錢井水煎食後服次用化蠶丸
 化蠶丸
 蕪荑 蘆薈 青黛
 川芎 白芷稍 胡黃連
 川黃連 蝦蟇灰各等分
 右爲末豬膽汁浸糕糊丸麻子大每服二十九食
 後臨臥杏仁煎湯下其鼻常用熊膽泡湯小筆蘸
 洗俟前藥各進數服却用青黛當歸赤小豆瓜蒂

地榆黃連蘆薈等分雄黃少許細末入鼻欬瘡
補肺散 治久患咳嗽肺虛氣促有痰惡心

阿膠 壹兩半 剉炒

白茯苓

馬兜鈴 去老梗

糯米 各半 兩

杏仁 貳拾壹粒 湯泡去皮尖

甘草 肆錢 炙

右剉每服二錢水一盞煎七分無時溫服

張渙麝香丹 治小兒肺疳皮毛枯燥欬上氣

胡黃連 壹兩

半夏 半兩 湯洗七遍

紫蘇子 微炒

五味子 各壹分

乾蟾 壹枚 塗酥炙微黃已上搗羅為細末次用

麝香 細研

蘆薈 細研

朱砂 壹分 細研各

右件一處拌勻以棗肉和如黍米大每服五粒至七粒米飲下量兒大小加減

靈砂丹 因嗽成疳最宜服之

人參 半兩 去蘆

甜葶藶 研

五靈脂

胡黃連 各壹分 已上搗羅為細末次用

辰砂 半兩 細研

麝香 細研

蘆薈 細研

杏仁 麩炒去皮 各壹分

右件一處拌勻以粳米飴和如黍米大每服十粒煎人參湯下量兒大小加減

五靈脂丹 久嗽恐成疳常服尤佳

五靈脂 半兩

蟾頭 壹枚 塗酥炙微黃 蟬殼 微炒

款冬花

各半附已上搗羅為細末次用

青黛

細研

雄黃

細研各壹分

右件藥一處拌勻糯米餅和如黍米大每服十粒煎入參湯下不拘時候量兒大小加減

萬全方治小兒肺疳不欲乳食時復腹痛胡黃連丸

胡黃連

當歸

訶梨勒皮

木香

青橘皮

紫蘇子

杏仁

湯浸去皮尖燹炒微黃各壹分

麝香

壹錢研入

右件搗羅為末用粟米飯和丸棗豆大每服三粒以粥飲下量兒大小加減

張國林肺疳方

真珠

朱拾粒

辰砂

半錢

人參

甘草

各貳錢

麝香

半字

輕粉

伍錢七

白附子

壹箇

右件先將人參甘草剉碎炒熟白附子炮碾末次研入真珠辰砂麝香輕粉勻畢每服半錢或一字用金銀薄荷煎湯調服日進一服食後只三服其肺疳立愈

莊氏第三候鼻下赤爛愛揉眼兼血痢是肺疳乃因喫着乘熱物或病妳所損心肺加之咳嗽更以服

凉冷藥過多便上熱下冷漸漸昏沉日夜煩哭

龍腦

朱砂各壹分

釣藤

玄參各壹兩

胡黃連炮半兩

麝香壹錢

右為末鍊蜜丸如黃米大米飲下三九至五九

治小兒頭項細心腹脹滿皮膚乾皺毛髮焦黃鼻下

赤爛口舌生瘡瀉痢不止日漸羸瘦

大蟾壹箇去四足劈開腹去肚腸入胡黃連壹兩

濟四箇今乾微火出陰氣更用炭三斤燒令通赤即焦候冷淨去泥土細研如粉

麝香

熊膽

蘆薈各半兩

右一處細研如泥麪糊丸如麻子大米飲下三九

乳汁亦得三歲以上加丸

理小兒五疳八痢腹脹羸瘦頭髮焦乾口鼻生瘡

黃連

白蕪荑與黃連同炒焦

夜明砂用承淘五次焙各壹兩

右為末豬膽汁和丸如菉豆大三九至五九不

計時候麥門冬熟水下如久患疳氣服藥無効或

腹脹氣促不能飲食米飲下取出疳蟲即差莊氏第八

候用此方

腎疳楊氏云由乳哺不調臟腑伏熱所致也凡甘味

於脾而動蟲蟲動則侵蝕臟腑遂使孩提心下擾

問若上蝕齒斷則口瘡出血齒色紫黑下蝕腸胃則
下痢肛爛濕癢生瘡療治不蚤精髓消耗難以有瘳
蟲者蠹也目為濕蠹多因疝傷久痢腸胃受濕得之
狀如狐惑傷寒齒蝕之證或以走馬命名蓋齒屬腎
腎主虛纔受熱邪疝氣直奔上焦故以走馬為喻初
作口氣名曰臭息次第齒黑名曰崩砂盛則斷爛名
曰潰槽熱血迸出名曰宣露甚者齒皆脫落名曰腐
根其根既腐縱得全活齒不復生外證腦熱肌削手
足如冰寒熱時來滑泄肚痛口臭乾渴齒斷生瘡爪
黑面鰲身多瘡疥是也 錢氏地黄丸主之 仍當

於生脉散中多加黃耆以補肺 曾氏用調元散
調元散 主稟受元氣不足顛顛開解肌肉消瘦腹
大如腫致語遲行遲手足如分同神色昏慢齒生
遲服之效

乾山藥 去黑皮 伍錢 人參 去蘆

白茯苓 去皮

茯神 去皮 白朮

白芍藥

熟地黃 酒洗

當歸 酒洗

黃耆 蜜水炙各 貳錢半

川芎

甘草 炙各 叁錢

石膏

右碎每服二錢水一盞薑二片棗一枚煎七分無
時溫服如嬰孩幼嫩與乳母同服

九味地黄丸 治腎疳

熟地黄 肆錢 伍分 赤茯苓

川棟子 當歸

牡丹皮 山藥

右為末蜜丸桐子大每服八十九空心温酒下

張渙熊膽散 治急疳蟲傷臟腑上蝕口齒生瘡赤

爛世呼為走馬疳

葛宕子 炒令微黑 蝦蟇灰

生硫黃 壹分已上搗羅為細末次用

麝香 雄黃

白礬 各半兩

熊膽 半兩 細研

蘆薈 各壹分 並細研

右件藥一處拌勻為細末每服一字煎荊芥湯調下如有瘡處宜薄傅之如鼻癢即取少許逐日吹鼻中曰三兩上

熊膽膏 截急疳病

真熊膽 半兩 研

蚌蛇膽 為末

蘆薈 研

牛黃 研各壹分

龍腦

麝香 各壹錢 並研細

右件藥都細研以井華水一小盞攪和勻以磁器盛重湯慢火熬成膏每服一豆大薄荷湯化下兼塗患處

立聖膏 治急疳侵蝕

人乳汁 半合

黃礬 壹粟大

白礬 壹粟大

石膽 壹豆大

右件藥都研細以綿裹內乳汁中浸經一宿看汁有味慢火熬成膏每用少許塗於口裏如鼻中有瘡滴入少許若有腫處先以三稜鍼刺被除去血然後即塗此藥

二金散 治急疔毒盛

砒霜 壹分

麝香 半兩

右件藥先將砒霜去紙上炒過後入麝香同研令細每用一字以雞羽掠在瘡上日使三兩度

展去藥無令噤津

治小兒腎疳并疝氣偏墜寒熱方

沒藥 炮

甘草 各一分

硫黃

木香 炮

胡黃連 各壹分

右為末用蒸棗肉丸如麻子大從蓉湯下三九可兩服 莊氏第七方

通治五疳方五疳保童丸 治小兒乳食不擇冷熱

好食肥膩恣食甘鹹臟腑不和生疳

青黛

苦棟根皮

夜明砂

五倍子

蘆薈

黃連

龍膽草

白蕪荑

乾蟾各壹分

麝香少許

蟬蛻去嘴爪壹分

豬膽大者伍箇拌諸藥焙

右件粟米煮糊為丸如麻子大一歲兒三丸不拘時米飲下日三服忌豬肉

大蘆薈丸 治疳殺蟲和胃止瀉

胡黃連

黃連

白蕪荑去扇

蘆薈

木香

青皮

白雷丸

破開赤者不用鶴蝮微炒各半兩

麝香貳錢另研

右為末粟米飯九菘豆大每服一二九米飲下愚按前方肝脾疳積食積發熱目生雲翳或疳熱

頸項結核或耳內生瘡肌體消瘦發熱作渴飲食少思肚腹膨脹或牙齦蝕落頰頰腐爛或陰囊玉莖生瘡或胸脇小腹作痛並效內青皮以龍膽草代之麝香不用尤效

蘆薈丸會氏主五疳八痢蛇蟲臟腑虛弱身體瘦悴頭髮焦疎腹脹青筋小便白濁渴水無度洞泄不時穀食難化遍身瘡疥神色乾燥此藥大能養胃壯氣止痢除蟲長肌

南木香

丁香各貳錢半

訶子去核

肉豆蔻各半兩

使君子肉

蘆薈各肆錢

棗子肉

壹兩薄切用瓦盛慢火焙乾

右除使君子肉薄切於乳鉢內極細杵仍將前南木香等四味濕麩裏煨至香熟取出地上候冷去麩坐焙同棗肉蘆薈為細末再入乳鉢同使君子肉杵勻煉蜜丸作麻仁大每服三十九至五十五丸温米湯送須是空心服之兒小米湯化服

萬應丸

治諸疳證胃口有熱飲食不進頭髮作穗

面色痿黃

五倍子

去內蟲屑

胡黃連

青皮

去白

陳皮

去白

黃檗

神麩

麥芽

淨洗焙乾

三稜

炮剉

莪朮

炮剉

蕪荑

檳榔

龍膽草

川棟子肉

使君子

各壹兩

右除檳榔不過火麥芽二味外餘十二味剉碎燉令微焦色候冷同前檳榔麥芽研為細末水煮麩糊丸麻仁大每服三十九至五十九或七十九温米清湯無時送下或空心兒小者在粟穀大粒數下法同前

博濟方至聖青金丹

治小兒一十五種風疾五般

疳氣變蒸寒熱便痢棗花糞脚細肚脹肚上青筋

頭髮稀疎多喫泥土搏眉毛咬指甲四肢羸瘦疳
蛇咬心瀉痢煩併饒驚多嗽疳蝕口鼻赤白瘡疳
眼雀自悉皆能治

青黛

上細研者貳分
研良方叁分

雄黃

貳分研細
良方貳兩

龍腦

少許研局
壹字

朱砂

壹分研良
方壹錢

膩粉

壹分良
方壹錢

胡黃連

貳分良
方貳兩

熊膽

壹分用溫水化
入藥良方壹錢

白附子

貳枚良方壹
錢局方貳錢

蘆薈

壹分研良
方壹錢

麝香

半分
研

蟾酥

壹皂子大
局方壹字

鈇霜

少許良方
皆同局方

水銀

壹皂子大
同膩粉研不見星

右件二十三味細研杵羅為末後再都入乳鉢內

細研令勻用穢豬膽壹枚取汁熬過浸蒸餅少許
為丸如黃米大曝乾於瓷器內收密封或要旋取
每服二丸各依湯使如後小兒患驚風天吊戴上
眼睛手足搐搦狀候多端但取藥一丸用溫水化
破滴入鼻中令嚏噴三五遍後眼睛自然放下搐
搦亦定更用薄荷湯下二丸小兒久患五疳四肢
瘦小肚高搏眉與土咬指甲髮稀疎肚上青筋粥
飲下二丸小兒變蒸寒熱薄荷湯下二丸化破服
小兒久患瀉痢米飲下二丸小兒久患疳蛇咬心
苦棟子煎湯下二丸小兒患鼻下赤爛口齒疳蟲

井口瘡等用兒孩子妳汁研一丸塗在患處小兒
患疳眼雀目用白羊子肝壹枚以竹刀批開內藥
二丸在肝內以麻縷纏定用淘米泔水內煮令熟
空腹喫仍令乳母常忌毒魚大蒜雞鴨豬肉等此
藥若小兒常隔三兩日喫一服永無百病不染橫
天之疾凡有患但與服必有功效

靈死紅丸子 治五疳肥孩兒

郁李仁 壹斤粒用溫水浸去皮尖

麝香 半錢別研

坯子臙脂 壹分

右先研郁李仁細爛次入臙脂麝香同研用粳米

飯為丸如麻子大每服三丸至五丸一日三服用
薄荷湯下量兒大小臨時加減丸數

譚氏蝦蟆丸

治五疳羸瘦毛髮稀疎採鼻咬甲好
食泥土腹大頸細痢如泔涎乳食不消小便白濁

綠礬 半斤為末

棗 壹升半去核

右先用醋五升并礬煮棗熟後入黃連肆兩訶子
去核貳兩史君子貳兩夜明砂貳兩乾蝦蟆肆箇
燒灰存性同搗碎入前藥內攪勻直到乾焦為度
再杵羅為末棗肉丸如黍米大二三四歲每服三十
丸米飲下乳食前

張渙夜明丹 治五疳腹脹目澀多睡

夜明砂 壹兩 微炒 胡黃連 草龍膽

苦棟根 各半 乾蝦蟇 伍箇 燒存性 並

蘆薈 青黛 麝香 各細研 壹分

右件一處拌勻粳米飯和丸如黍米大每服十粒
米飲下不拘時候量兒大小加減

劉氏金蟾丸 治小兒五疳羸瘦合面卧地筋青腦
熱吐瀉無度渾身壯熱口舌生瘡刺下膿血心腹
脹滿喘促氣急乳食全少多啼嘔逆飲食不化或
時增寒多涕欬嗽鼻下赤爛十指皆癢蝕於唇齒

生瘡出血肛門不收毛髮焦黃但是疳疾神效

乾蝦蟇 伍箇 燒灰 胡黃連 宣連

鶴蝨 肉豆蔻 苦棟根白皮

雷丸 蘆薈 無莢

雄黃 壹分 飛過

右為末麪糊為丸葉豆大雄黃為衣每服十五丸
飯飲下

張氏香蟾丸 治五疳殺蟲消肚膨止痛住瀉痢生
肌膚

乾蝦蟇 酥炙 黃色 大黃連 洗去 蕪荑仁

蘆薈

右件等分爲末豬膽麩糊爲丸如桐子大每服四十粒用飯飲吞下不拘時一日二服至三服忌生冷宿食毒物

莊氏五疳丸

熊膽

蕪荑

去皮各壹錢

麝香

壹字

胡黃連

別作爲末壹分

大乾蟾

用上截去臍剖碎入在餅內鹽泥固濟以炭火燒通赤取出停一夜取藥研爲細末秤壹分

右件先將蕪荑研極細次入麝香次入胡黃連蟾研末令勻傾出却研熊膽以沸湯鎔化再入前四

味更研令勻糊爲丸如菘豆大每服三四歲十丸

四五歲十五丸米飲下食前服

王氏保童丸

治五疳消宿滯進食長肌肥孩兒

胡黃連

草龍膽

末炒紫色各半兩

史君子

木香

蘆薈

細研各壹錢

大麥蘖

半兩巴豆參米箇去皮心同麥蘖炒

川苦棟

壹分炒紫色

右爲細末同研令細用醋糊爲丸如菘豆大每服十粒至十五粒米飲下不計時候此藥大治小兒疳腹脹

吳氏黃耆飲子 治小兒五疳或傷脾腹脹髮黃時
時壯熱頭上虛汗日漸黃瘦或泄瀉

綿黃耆 壹兩

人參

陳皮 微炒不

白茯苓

白檳榔 極大者

甘草 炙各半兩

肉豆蔻 壹箇小者

右為麤末每服三錢水一大盞慢火煎至七分濾
去滓時時與服溫喫

趙氏家傳治小兒五疳退黃榮肌膚解積熱壓驚消
飲進食

史君子 貳拾壹箇

胡黃連 半兩

五靈脂

蟾頭 炙今焦各壹分

麝香 半錢研

蘆薈

熊膽 各研貳錢

右為末燒粟米飯為丸菴豆大每服二十九米飲
下

治小兒五疳面色黃瘦身體壯熱喫乳食不能消化
眼目澀痛及胸膈痰涎愛食酸鹹常多瀉痢

胡黃連

母丁香

黃連 微炒去毛

蘆薈

熊膽 研各半兩

麝香 壹分細研

蟾頭 壹枚塗炙焦黃

右為末用牛膽和丸菴豆大如患心藏疳煎蕪荑

甘草湯下三九食疔瀉血或赤白痢新汲水下三
九吐逆不止及水瀉生薑湯下眼疔羊子肝血與
酒和看多少微煎下三九莊氏第四
候用此方
脂連丸 治五疔潮熱腹脹髮焦

胡黃連 半兩 五靈脂 壹兩

右為末獾豬膽汁丸麻子大米飲下

冷熱疔疔之新者為熱疔面黃臉赤骨熱盜汗鼻乾
口臭唇焦煩渴心躁驚悸情意不樂若疔之久者為
冷疔目腫腹脹便利不定瀉糞肥膩或似油珠煩渴
黃瘦熱疔病多在外冷疔病多在內又有冷熱二證

交互非新非久不內外因者

治冷疔木香丸

木香

青黛 另研

檳榔

肉豆蔻 去皮各壹分 麝香 另研壹錢半

續隨子 壹兩半炒

蝦蟇 參箇先用繩繫
臙乾燒存性

右末蜜丸如菉豆大每服三五丸至一二十九薄
荷湯下食前

湯氏云小兒冷疔多渴好卧冷地煩躁啼叫飲食
不進漸成羸瘦其候難明有若熱證但大便滑泄
百藥不效是也因女子百藥俱試而無偶中者竟

與錢氏木香丸不數服而愈自後凡有此證無不獲驗

治熱疳胡黃連丸

胡黃連

黃連

各半兩

硃砂

壹分

右上一二物為細末研入朱砂末都填入豬膽內用淡漿於砂銚子內懸胎煮一飯時久取出研入蘆薈麝香各壹分飯丸如麻子大每服五七丸至一二十丸米飲下食後一方加蝦蟇半兩不燒

治冷熱疳如聖丸

方見疳瀉

無辜疳巢氏兒面黃髮直時壯熱飲食不生肌膚積

經日月遂致死者謂之無辜言天上有鳥名無辜晝伏夜遊洗濯小兒夜席露之經宿此鳥即飛從上過而取此衣與小兒着并席與小兒卧便令兒生此病
聖惠小兒無辜腦後有核如彈丸捏之反下轉是也凡小兒有此物如禽獸舌下有禁蟲若不速去當損其命此核初生軟而不痛中有蟲如米粉得熱氣漸長大則筋結定即蟲隨血氣流散所有停留子母相生侵蝕藏府肌肉作瘡或大便泄膿血致使小兒漸漸黃瘦頭大髮立手足細弱從茲夭折也夫小兒無辜疳痢者大腹泄痢膿血毛髮皮膚枯槁

肌體日漸瘦羸腸胃既虛痢無時節故名無辜疳痢也
漢東王先生云小兒無辜疾者古云天上有一鳥名無辜因曬小兒衣物失取過夜遇此鳥過尿之令兒啼叫諸病所生日漸黃瘦者非也此蓋是八邪所傷得之其八邪者饑飽勞役風驚暑積謂之八邪久則令人日漸黃瘦喫食不長肌肉夜間多哭身上或發微微壯熱多渴喫食不知饑飽或生瘡癬是也
朱氏八片錦歌孩子無辜氣多因母作為若人能慎護安得見疳羸驚薄成風疾眩寒作氣痿須交除病乳莫更着重衣喫食無令早能言不怕遲論中八

疳

幼科八

四十六

不許胸起力頻微頭皮光哲哲毛髮薄離離肝壅侵
雙眼脾黃入四肢渾身生癭疹遍體是瘡痍瀉痢無
休歇增寒少定時綉毬全不顧竹馬豈能騎白暈眸
中現清涎口畔垂鬪牙須咬甲舉手要擣眉夜夜餐
瓜果朝朝食土泥胃傷腸肚脹肺盛喘何疑飲食無
休歇耽眠似醉迷

肥兒丸 治小兒腦後項邊有物如彈子按之轉動
軟而不痛名無辜疳久服神効

- 胡黃連
- 神麩炒
- 麥蘖各伍錢
- 檳榔叁錢
- 木香貳錢
- 肉豆蔻麩裏煨

疳無辜疳

刀斗

四十二

疥 癩 疥 癩

史君子肉 各貳錢半

右為細末蒸餅丸如黍米大用米飲食遠服

聖惠鼈甲散 治小兒無辜疔項細肚大毛髮乾立

作穗

鼈甲 參分塗醋炙黃去裙襴

檳榔 參顆

沉香

牛蒡子 微炒

史君子 赤芍藥

訶梨勒皮

甘草 炙微赤剉各半兩

右件搗羅為散每服一錢以冰一小盞煎至五分去渣不計時候量兒大小分減溫服

張渙蝎虎丹 截疔祛毒

乾蝎虎 雄者微炙壹枚 蝸牛殼

蘭香根

澱花 各壹分已上搗羅為細末次入 雄黃 水磨者細研

麝香 細研各壹分 龍腦 半細研分

右件通拌勻煎米醋打白麩糊和如黍米大每服十粒煎脂麻湯下乳食後

昏甲湯 截疔辟邪

漏蘆 壹兩 沈香 剉

牛蒡子 微炒

訶梨勒皮 微炮 安息香

鼈甲 塗酥炙黃去裙襴

乳香 研各半兩

子無辜疔

刀斗

四

右件搗羅為細末同乳香拌勻每服一錢水八分
入人參少許煎四分去滓放溫熱服量兒大小加
減

張渙無辜疳痢玉粉散 定痢截疳

胡粉 壹兩

白龍骨

水磨雄黃 各研

楮木根白皮

漏蘆

白馬夜眼 焙乾

各半

右件搗羅為細末都拌勻每服一字至半錢以雞
卵清調下乳食前

二肝丹 治無辜疳痢不止

地膽草

菖蒲 節 九

漏蘆 各壹

胡黃連

地榆

各半兩已上搗

雞肝 薄切

豬肝

同人鹽少許用諸

右件同於石臼中搗一二百下成膏和丸如黍米
大每服十粒麝香湯下食前量兒大小加減
梅肉散 治無辜疳渴利不止眼出障翳身體浮腫

烏梅肉 炒乾

綿黃耆

乾葛 各壹

川黃連

菘藪根

乾薑 炮

甘草 炙各半兩

右件搗羅為細末每服一錢水一盞煎至六分去

澤放温時時與服

藍葉湯 治無辜疔血痢不斷

藍葉 壹兩

地龍

人參 去蘆

烏梅肉

冬瓜仁

黃連

赤茯苓

蝸牛殼 微炒各半兩

右件搗羅為細末每服一錢水一小盞煎至六分

去滓温服乳食前

天靈丹 治無辜疔久不差

天靈蓋 壹箇

乾蟾 壹兩 燒灰

胡黃連

芫荽子

水淘去浮者炒下 令黑色各半兩

砒霜 壹分 同天靈蓋濕紙

麝香 壹分

右件都拌勻軟飯和丸如黍米大每服五粒乳汁

下量兒大小加減服之

温藏湯 治小兒無辜疔久不止手足逆冷

肉豆蔻 二枚

乾薑 炮各壹兩

龍骨

當歸

厚朴 去麤皮生薑汁炙令香熟各半兩

附子

壹枚重半兩 炮去皮臍

茅香 半分 剉

右件搗羅為細末每服一錢水八分一盞入生薑

三片煎至五分去滓温服乳食前

三五五重裏膠泥固濟於太炭火上燒令通赤取出候冷已上都搗羅為細末次入

并附丹 治無辜疳痢赤白相雜ヲ

厚朴金生薑汁ヲ炙令香熟 訶梨勒皮麩裏炮ス

附子壹枚炮去皮臍ヲ 龍骨

烏梅肉

赤石脂各半兩

右件搗羅為細末鍊蜜和丸如黍米大每服十粒

米飲下乳食前

人中白散 治小兒無辜疳氣寒熱積滯不化腹肚

脹痛ス

人中白壹分

麝香半分

蝦蟇塗酥ヲ炙焦ス

蘆薈各半兩

右件藥細研為散每日空心及晚後用熟水調服

半錢服後當下惡物量兒大小加減服之

朱砂丸 治小兒一切無辜疳黃瘦腹痛或痢有蟲

冷之與熟悉主之

朱砂壹分細研一方用參分ヲ

菖蒲

漏蘆各壹兩 雄黃壹分細研一方用參分ヲ

乾蟾壹枚醋炙令黃 麝香壹兩細研一方用壹分

右件藥搗羅為末都研令勻用粟米飯和丸如麻

子大每服以粥飲化下二丸空心午後各一服隨

兒大小以意加減ス

决明子丸 治小兒冷熱無辜疳或時驚熱或時夜啼大便青黃白汁頭熱身熱頭髮作穗四肢黃瘦不多食物

用馬蹄决明子貳兩搗羅爲末鍊蜜和丸如麻子大每於食後以熱水下三丸更量兒大小加減服之

漏蘆散 治小兒無辜疳肚脹或時瀉痢冷熱不調用漏蘆壹兩搗細羅爲散每以豬肝壹兩散子壹錢鹽少許斟酌以水煮熟空心頓服粥飲下

漏蘆丸 治小兒無辜疳痢羸弱不欲飲食及腹內

蟲動作多吐清水

漏蘆

貳兩

豬肝

燂乾

楮株根白皮

各到

壹兩

右件藥搗羅爲末鍊蜜和搗一二百杵丸如彈子大每服以溫水研一丸不計時候量兒大小分減服之

聖惠又方用地膽子壹兩搗細羅爲末每服壹錢以豬肝壹兩入鹽少許煮熟無時量兒大小分減服之

治小兒無辜疳痢不止方

右用沒石子貳枚炒令赤黑色搗細羅為散以麪半匙和作餅子焙熟却研為末不計時候以粥飲調下半錢量兒大小加減服之

外臺備急治小無辜疳痢方

當歸

龍骨

黃連

人參

沒石子

甘草

炙各壹兩

右六味搗散蜜丸服三九日再以差為度大小增減量之

外臺救急療小兒瘦頭乾無辜兼痢方

右用馬齒莧搗絞汁服三合以差止

子母秘錄治小兒無辜痢赤白兼成疳方

右用胡粉熟蒸熬令色變以飲服之

傳驗治一歲至兩歲小兒無辜病方

右用夜明砂熬精為散任意拌飯并喫食與喫三歲號乾無辜

五疳出蟲方 聖惠五疳久而不差則腹內有蟲肌體

黃瘦下痢不止宜服藥出之則疳氣漸退其蟲狀如絲髮或如馬尾多出於腹背及頭項上若蟲色黃白及赤者可治青色者不可療也

顧頤經朱砂丸 治孩子疳痢辨蟲顏色定吉凶

朱砂半石

眉酥少許

阿魏如朱砂大

蝙蝠血參兩

右細和少許口脂調先桃柳枝煎湯浴兒後看兒大小以菘豆大填兒臍中後用紙可臍中貼之用青衣蓋兒看蟲出來黃色輕青黑色重

聖惠乾蟾丸 治小兒五疳及驚風出蟲定生死

乾蟾壹枚五月蛇蛻皮壹條

穀精草貳兩花前藥同

入罐子內以鹽泥固濟曬乾燒令通赤放冷研細

胡黃連

瓜蒂母丁香二味同為末

牛黃

龍腦 朱砂 雄黃

蘆薈

天竺黃

麝香各壹分

青黛半兩

右件藥都入乳鉢內研令極細用獾豬膽汁煎麪糊和丸如菘豆大一二歲兒以溫米泔半合化下五丸服藥後以桃柳湯浴兒着青衣蓋疳蟲當出衣上及眉毛鬚邊如細麩片子或如糝面塵毒黑色者難治黃白色易治仍宜粥飲下二九日三服甚者半月內差

麝香丸 治小兒五疳瘦弱毛髮乾焦口鼻多瘻有

蟲

麝香

朱砂各壹分

蛇蛻皮伍寸燒灰

蘆薈

蟾酥豆許

蝙蝠參箇取血

粉霜

皂莢三寸燒灰

右件藥都細研以油鎔蠟和丸如小豆大先以桃

柳湯洗兒後用藥一丸塗於臍中上以醋麩封之

良久即蟲出黃白赤者易治黑者難療

蘆薈丸 治小兒五疳四肢乾瘦腹脹氣麤頻採鼻

眼宜服此出蟲

蘆薈

膩粉

牛黃

粉霜

蟬殼各壹分

硫黃各壹分

麝香各壹錢

田父壹枚燒煙似絕便住青黛半兩

巴豆拾粒去皮心膜油蛇蛻皮壹條燒灰

右為極細末令勻以粳米飯丸如棗豆大每服以

溫水下二丸良久煎桃柳水浴兒後以青衣蓋遍

身當有蟲出白黃色者可治青黑者難治

出蟲丸 治小兒五疳久不差羸瘦極甚

朱砂

麝香

牛黃

蝸牛子炒

夜明砂炒

熊膽各壹分

蟾酥半錢

右件藥都細研以麩糊和丸如棗豆大每服以溫

永下三九更別以水研一丸滴向鼻中得嚏五七聲良久得有蟲隨汗出立効

乾蟾丸 治小兒五疳出蟲

乾蟾壹枚 燒灰

天靈蓋灰半

麝香半分

蟬殼去足 炒

鼈甲酥炙黃焦去 裙襴各壹分

右件藥為細末每用燒飯和丸如菘豆大二歲已下以蛤粉湯下一丸三歲已上至五歲一丸服藥後續以桃柳湯浴兒後用青衣蓋之當有蟲子出赤白者輕黑者重

熊膽丸 治小兒五疳出蟲

熊膽

朱砂

麝香

蚺蛇膽

蠅娘炒

瓜蒂各半 兩

右件藥為極細末入研了藥令勻用積豬膽汁和丸如菘豆大先用桃柳湯浴兒了用粥飲下三九以青衣蓋當有蟲出也

定命散 治五疳有蟲

乾蝦蟆壹枚 燒灰

蛇蛻皮炒

蟬殼各壹分

右件為極細末入麝香末半錢研勻但是下切疳至午時後以暖水調下半錢一二歲即服一字後煎桃柳湯放溫浴兒了便用青衣蓋當有蟲出即

青黛丸 治五疳體熱乾瘦髮立鼻癢有蟲不欲飲
乳

青黛

蘆薈

人中白各半

豬牙皂角

蟬殼各半

麝香壹分

胡黃連叁分

蟾涎

人乳汁各少

右件為末五月五日午時修合以粽子肉棗肉及
蟾涎乳汁丸如黍米大以桃柳湯浴兒後以米飲
下三丸後着青衣裏兒看身上有蟲出青黑者不
堪白黃赤者易差

錢乙胡黃連麝香丸 治疳氣羸瘦白蟲作

胡黃連

白蕪荑各壹兩半

麝香壹錢

黃連

水香各半兩

辰砂壹分

右末麪糊丸如菘豆大米飲下五七丸至三五歲
可十五丸無時

錢乙榆仁丸 治疳熱瘦悴有蟲久服充肥

榆仁

黃連各壹兩

右為末用豬膽七枚破取汁與藥同和入碗內甑
上蒸九日每日一次候日數足入研麝香半錢湯
浸蒸餅和丸菘豆大每服五七丸至二十九丸米

飲下

蛔疳 小兒食乳飯早食肉太早或腸胃停蓄甜膩化為蛔蟲皺眉多啼嘔吐清沫腹中作痛肚脹青筋唇口紫黑搖頭齒癢是也 玉訣歌惡哭痰青蛔齧心涎生積冷痛難任每餐甜物并時果致得蟲生病轉深 先用史君子散蘆薈丸取蛔後溫脾胃
史君子散 治小兒疳蛔
史君子 拾筒瓦上炒為末
白蕪荑 各壹分
苦楝子 伍筒炮去核
甘草 膽汁浸一夕
右末之每服一錢水煎服

蘆薈丸 治小兒疳蛔

蘆薈

枳殼 壹錢 炒各

定粉 壹錢 半

右末積豬膽糊丸如菉豆大五七丸米飲吞下

張渙三根散 治蛔疳蟲動啼叫不止每至月初間

尤甚狀如神祟

貫衆根

栗刺

右件藥六味竝燒灰存性搗羅為細末每服一錢

安息香

史君子 叁分 筒炒

麝香 少許

胡黃連

蕪荑 壹分

棠梨根

故綿

醋石榴根 各壹兩

乾漆 各半兩

用水八分煎四分去滓放温服不拘時候
除毒丹 此方治蛔疳不差傳染兄弟姊妹

鬼白壹兩
去毛
草龍膽各半
兩

苦參剉
硫黃

青箱子
緋絹

乾蝦蟇

白礬各壹
分

右件藥竝燒灰存性搗羅為細末煉蜜和如麻子
大每服十粒磨沉香湯下量兒大小加減

豬肚丹 治小兒疳瘦盜汗多倦少力大便有蟲會
經大効

川黃連揀淨

胡黃連

木香各壹
兩

羌活

蘆薈

肉豆蔻

鼈甲酥炙去
裙襴

白蕪荑各半
兩

右件搗羅為細末用豬豬肚一箇洗刮令淨先以
好香白芷貳兩內肚中蒸極熟去白芷不用却入
諸藥縫合再蒸如泥取出同豬肚搗二三百下成
膏丸如黍粟大每服十粒米飲下不拘時候量兒
大小加減

穀精丹 治諸病下蟲如絲髮或如馬尾甚者便至
天傷

穀精草參兩入餅子內鹽泥固濟
用慢火煨通赤為度取出

音蛔疳

刀斗

五九

乾蟾參枚五月五日

胡黃連

羅為細末次入

麝香各壹分並細研

瓜蒂

粉霜

皂莢參十燒灰

母丁香各半兩已上搗

蘆膏

右件都拌勻用豬膽汁和如黍米大每服十粒米

泄放温下量兒大小加減

桃柳湯服諸藥後用此法助之

桃枝貳兩

柳枝貳兩

右件並剉碎以水兩大椀煎數沸通手浴兒甚佳

浴兒畢用一青衣服蓋之疳蟲自出為驗

小兒合地面無顏色啼聲乍高狀似心痛徃徃口乾

發動有時醫人不識妄呼見祟不知小兒曾喫生

肉肉化為蟲此方大効苦棟丸

苦棟根

鶴蝮

朱砂各壹兩

檳榔參箇

麝香壹錢

右末麵糊丸如小豆大每服三丸白湯下日三服

忌毒物

下蟲丸治疳蛔諸蟲

新白苦棟根皮酒浸焙

綠包貫衆

木香

桃仁浸去皮焙

蕪荑焙

雞心檳榔

各貳錢 鶴虱 炒壹錢

輕粉 伍分

乾蝦蟇

參錢 史君子 伍拾取

右為末麪糊丸麻子大每服一二十丸天明清肉
汁下內加當歸川連各貳錢伍分

脊疳 蟲食脊脊身熱羸黃積中生熱煩渴下利拍背

如鼓鳴脊骨如鋸齒或十指皆瘡頻齧爪甲是也

聖惠金蟾散 治小兒脊疳頭大項細四肢黃瘦肚

大胸高毛髮乾立

蟾 壹枚大者塗 夜明砂 微炒

桃白皮

樗根白皮

地榆

黃檗 各剉

訶梨勒 煨用

百合

白蕪荑 微炒

人參 去蘆

川大黃 剉碎

黃連 去鬚各

胡粉 參錢

丁香 參米

檳榔 壹分

右件藥搗細羅為散每服用粥飲調下半錢日三服

地骨皮丸 治小兒脊疳漸漸黃瘦以手指擊之背

如鼓響脊骨高是也此因妳熱所致

地骨皮

紫參

黃耆 剉

川大黃 剉碎

郁李仁 湯浸去皮小大

龍膽 去蘆

子芩

枳殼 麩炒微

木香

猪苓去黑皮

海蛤細研各壹分

右件藥搗羅為末，鍊蜜和丸，如菉豆大，每服以溫水研下，五九日，三服量兒大小，加減服之，常得微利為效。

殺疳丸

治小兒脊疳，日漸羸瘦，腹中有蟲。

沒石子

瓜蒂

鶴虱並細研各半兩

蟾頭炙令焦黃

蘆薈

青黛並細研各半兩

麝香細研

膩粉研入各壹分

右件藥搗羅為末，以糯米飯和丸，如黍米大，每服以粥飲下，五九日，三服量兒大小，以意加減。

蘆薈丸

治小兒脊疳，腹內有蟲，上攻背脊，脊骨漸高，肌體羸瘦。

高肌體羸瘦

蘆薈

青黛

朱砂

麝香各細研

熊膽研入

胡黃連

貫眾

地龍微炒

黃連去鬚

蟬殼微炒去足

雷丸各半兩

蝦蟇壹枚塗酥炙令焦黃

右件藥搗羅為末，用蝸牛肉研和丸，如麻子大，每服以粥飲下，五九日，三服量兒大小，增減服之。
青黛丸 治小兒脊疳，四肢瘦弱，腹脹壯熱，頭髮乾疎，時時煩渴，脊骨如鋸。

子脊疳

切早

卷七

青黛

定粉各壹分

羶羊角屑

麝香壹錢細研

朱砂各細研

蟾酥研入

犀角屑各半分

夜明砂微炒

熊膽細研

黃連半兩去鬚

右件藥搗羅為末用軟飯和丸如菘豆大每一歲以粥飲下一丸

第五脊疔十指爪甲癢痛頭髮焦乾肚腹虛鳴脊骨如鋸時時下痢狀如青淀或膿或血朱砂丸

天靈蓋炙壹箇

柴胡

白朮

麝香各壹錢

檳榔壹箇

右件棗肉為丸如麻子大每服三丸米飲棗湯下

朱氏治小兒脊疔瀉血不止方

定粉

好棗拾箇搗碎

頭髮少許剪碎

右件為團博襯久煨通赤細研米飲下半錢

莊氏治小兒久下血不止謂之歷脊疔方

用穿山甲米醋浸炙為末每服一錢米飲調下食

空服

腦疔胎中素挾風熱生下乳哺越常頭皮光急滿頭

餅瘡腦熱如火髮結如穗徧身多汗顛腫顛高是也

仙人水鑑小兒三歲已下多睡卧合面在地者便是

腦中疳氣宜服此方

葵花

菊花

釜下墨

消石

栢葉各等分

右為散吹入鼻中永不谷面臥地也吹鼻中有惡物似泥泄數條卽便是腦中疳氣此是殺人之本小兒腦疳乳母宜服此方

栢葉

松葉

黃葵花

鼓子花

鼈甲

虎骨

檳榔

大黃各貳兩

右並生為末與醋三升煎膏丸如菉豆大每白空

心飲下三丸効

藥性論治小兒腦疳方

右研蘆薈不以多少為細末每用少許吹鼻中殺腦疳鼻中癢

聖惠牛黃丸 治小兒腦疳身熱髮枯

牛黃

蘆薈各細研

熊膽研入

胡黃連

木香

犀角屑各壹分

龍腦

麝香各細研

蟾酥研入各半分

青黛細研半兩

右件藥搗羅為末都研令勻以麪糊和丸如黃米

大每服以溫水下五九日三服量兒大小以意加減

龍腦丸 治小兒腦疳羸瘦煩熱

龍腦

麝香

雄黃各壹錢

胡黃連末

牛黃

朱砂

熊膽

蘆薈

乾蝦蟇灰各壹分

右件藥都研令如粉以水化熊膽和丸如麻子大若硬更入糯米飯同丸每服用薄荷溫湯下三九日三服量兒大小以意加減

吹鼻龍腦散 治小兒腦疳鼻塞頭痛眼目昏暗羞

明怕日

龍腦

麝香各細研少許

蝸牛殼炒令黃

蝦蟇灰

瓜蒂

黃連去鬚

細辛各壹分

右件藥搗細羅為散入瓷合內貯之每取少許吹於鼻中每日兩上用之

治小兒合面卧地多睡或氣急面黃哭聲高叫或心痛口乾蓋是因曾喫生肉如此腹內有蟲方

鶴蟲貳分

茯苓壹兩

木香壹分

苦棟根參兩

檜株根半兩

右先將二味根用水一斗煎成膏然後將三味爲末搜和成丸黍粒大每服三五丸米飲下莊氏第

第七腦疳鼻下赤爛身心煩躁鼻内生瘡頭髮自落
日夜痛無休歇狀似鬼形安息丸

安息香 丁香 胡黃連
麝香 雄黃各壹錢 肉豆蔻

金銀箔各伍片 右末煉蜜丸如麻子大每服三丸米湯下

龍膽丸 治腦疳腦熱瘡

龍膽草 升麻 苦楝根皮焙

赤茯苓 防風 蘆薈
油髮灰各貳錢 青黛乾 黃連淨各叁錢

右爲末狝豬膽汁浸糕糊丸麻子大薄荷湯下仍
以蘆薈末入鼻

乾疳 身體壯熱或時增寒舌澀口乾睡多盜汗皮膚
枯燥髮立毛焦乳食雖多肌肉消瘦四肢無力好睡
昏昏日往月來轉加疰瘁是其候也 瘦瘁少血舌
乾多啼其病在心目不轉睛雖啼無淚其病在肝身
熱尿乾手足清冷其病在腎聲焦皮燥大便乾結其

百乾疳 切詳 六

病在肺搭口癡眠胸腕乾渴其病在脾
仙人水鑑獨治乾疳方

天靈蓋

生龍甲

波斯青黛

黃鹽

已上各壹分陶隱居云北海黃鹽草粒麤以作魚鮮及鹹菹

右並同研令細日服一字空心熟水下若是濕疳

不治乾疳治之不過三服神效

聖惠天竺黃散

治小兒乾疳心藏煩熱眼自赤澀

皮膚乾燥夜多盜汗羸瘦不能乳食

天竺黃 半兩

牛黃

雄黃

朱砂

蘆薈

麝香 各細研

蟾頭 炙令焦黃

胡黃連

犀角 屑

木香

甘草 炙微赤

釣藤 各壹分

龍腦 壹錢細研

右件藥搗細羅為散都研令勻每服以溫水調半錢日三服量兒大小以意加減

治小兒乾疳體瘦煩熱眠卧不安方

牛黃

雄黃

蘆薈

青黛 各細研

丁香

黃連 去鬚

熊膽 研入

蛇蛻皮 灰

天竺黃

天漿子 微炒

犀角 各壹分

胡黃連 半兩

蟾酥半錢 研入

麝香壹錢 細研

右件藥搗羅為末更研令勻以鍊蜜和丸如菉豆大每服以粥飲下三九日三服量兒大小以意加減

青黛丸 治小兒乾疳肌體羸瘦皮毛乾焦發歇寒

熱昏昏多睡

青黛叁分 細研

牛黃

蘆薈

朱砂

麝香

雄黃各細研

胡黃連

蛇蛻皮灰

龍膽去蘆頭

蟬殼微炒各壹分

蟾壹枚 塗酥 炙焦黃

右件藥搗羅為末都研令勻用麩糊和丸如黍米大每服以粥飲下三九日三服量兒大小臨時增減

牛黃丸 治小兒乾疳煩渴壯熱皮膚枯燥日漸羸瘦

瘦

牛黃半錢 細研

雄黃細研

黃連去鬚

蘆薈

天竺黃各壹分

龍腦

麝香各壹錢 細研

甘草半分 炙 微赤剉

右件藥搗羅為末都研令勻用糯米飯和丸如菉豆大每一歲以粥飲下一丸

胡黃連丸

治小兒乾疳瘦弱不能乳食髮立腦乾

肌體柴瘦

胡黃連未半

朱砂

波斯青黛

蘆薈各叁分

麝香壹分

蛇蛻皮壹條燒灰

蟾酥一杏

右件藥都研為末用豬膽壹枚取法酒一盞和藥末都於銚子內熬如膏丸如菽豆大五歲至七歲以粥飲下五九日三服三歲已下三九青黛散治小兒乾疳日久不差骨立形枯諸治無效者

青黛

朱砂

蘆薈

地龍

夜明砂各微

乾蝦蟇灰

熊膽各壹分

麝香壹分

右件藥都細研為散每服半錢空心以粥飲調下更用少許藥吹入鼻中後以桃枝湯看冷熱浴兒衣蓋有蟲子出為效也
牛黃丸 治小兒乾疳體熱羸瘦心神煩躁少得眠

牛黃細研

朱砂細研水

子芩

犀角屑各半兩

麝香壹分細研

右件藥搗羅為末都研令勻以糯米飯和丸如麻子大每服用粥飲下三丸量兒大小增減服之按乾疳既是五藏之涸則當以人參白朮散加減八味丸之類補而濡之若專恃已上諸丸藥恐無瘳理

內疳 聖惠云小兒乳食不消心腹虛脹眼目澀癢體熱皮枯腸胃不調痢下五色漸漸羸瘦蟲蝕肛腸日月彌深痢轉不止故號內疳 錢氏云疳在內則目腫腹脹利色無常或沫青白漸瘦弱此冷證也宜使君子丸

史君子丸 治藏府滑及疳瘦下痢腹脇脹滿不思乳食常服安蟲補胃消疳肥肌

厚朴

去麤皮薑汁

史君子

去殼去豆兩

陳皮

去白

甘草

炙到

訶子

半兩半生

青黛

方半兩是兼驚及帶熱渴者宜此

右為細末煉蜜和丸如小雞頭大每服一丸米飲化下兒生百日已上三歲已下服半丸乳汁化下元方無青黛

東垣厚腸丸 治小兒失乳以食飼之不能消化或生腹脹四肢瘦弱或利色無常

陳皮

人參各參分

麴末名伍分

右為細末，麴糊丸如麻子，大每服二十九，溫湯送下，忌飽食。

張渙金粟丹

治腹大疳瘦，好喫泥土，泄利不調。

乾蟾伍枚酥炙焦黃

川黃連夏用貳兩，冬用壹兩

母丁香

厚朴薑汁製

夜明砂微炒

蟬殼洗

上搗羅為細末，次用

好朱砂細研水飛

青黛研各壹兩

好麝香半兩研

右件一處拌勻，用煉蜜一半，白麴糊一半，和如黍米大，每服十粒，米飲下，不拘時候，量兒大小加減。本事芎朮丸，治小兒疳瘦，瀉白水腹脹。

芎朮

厚朴各壹兩

白朮半兩

右為細末，煉蜜丸如小彈子，大每服一丸，米飲化下，三歲已下，半丸。

小兒腹大泄瀉，水穀不化，喫食不知，饑飽累效。

神麴炒

麥芽炒

三稜

青皮

香附

山查

厚朴

枳實

黃連

甘草

地黃

棗子

藿香

砂仁

右為末白湯調下量兒加減

聖惠木香丸 治小兒肉疳乳食不調心腹脹滿肌

膚羸瘦下痢無常

木香

黃連

夜明砂

肉豆蔻

蟬殼

黃丹

乾蟾

田父

麝香

熊膽

赤石脂

右件藥搗羅為末用水浸蒸餅丸如麻子大每服以温粥飲下二丸量兒大小以意加減

蘆薈丸 治小兒肉疳四肢羸瘦腹脹鼻癢皮膚乾

燥下痢不常

蘆薈

蟬殼

熊膽

黃連

雄黃

蛇蛻皮

麝香

沒石子

丁香

蟾酥

右件藥搗羅為末鍊蜜和丸如黃米粒大每服以粥飲下三丸日三服別研一丸吹入鼻中量兒大

小以意加減聖惠又收治疔痢
麝香散 治小兒內疔下痢不止肌體消瘦諸治未
差

麝香

蘆薈各細研

蛇蛻皮灰

夜明砂微炒

蝸牛殼

黃連去鬚微炒

沒石子各壹分

黃丹

定粉各壹兩微炒

訶梨勒半兩煨用皮

右件藥搗細羅為散都研令勻每服以粥飲調下
半錢早晨午後各一服看兒大小加減服之
胡粉丸 治小兒內疔下痢不止昏沉多睡

胡粉微炒

青黛細研各半兩

黃連末壹兩微炒

麝香壹錢

右件藥同研令細以豬膽壹枚取汁和丸如黃米
粒大不計時候以粥飲下五丸量兒大小以意加
減

譚氏殊聖寶命丹 治內疔

皂角壹兩炙令焦黑色去皮為末參分

巴豆貳兩箇去心膜細研

雄雀兒糞貳錢

右細末以粟米飯丸菘豆大空心溫水下三丸

外疔 錢氏云疔在外則鼻下臭爛自揉鼻頭上有瘡

疔內疔

刀手

七

不着痂漸透耳生瘡今分走馬疳口齒疳鼻疳眼疳
臚列諸方如左

走馬疳走馬疳疳蝕之極也乃五藏蒸熱上攻甚即
徧沿作崩沙候牙邊肉腫爛口內氣臭身微有潮熱
喫食不得齒縫出鮮血常動搖似欲脫肉爛自漏落
治之先以淡淡鹽湯洗口內即下紫金散摻之一日
三次搯殺牙邊肉內蟲如大段甚即下秋霜散摻之
然後將朱砂膏牛黃膏天竺黃散夾調理此法先或
以天竺黃散夾地黃膏亦好此法如此調理即安如
調理不退先落齒一兩三箇即死不治相次面光發

頤漏見骨而殂一形證論先與退脾肺風熱宜喫檳
榔散五七服後用此藥貼斷上以大棗壹箇砒少許
去棗核入砒在內燒灰存性臨卧時貼斷上數次効
曾凡得此候多因氣虛受寒及有宿滯留而不去
積溫成熟虛熱之氣上蒸或食甘酸鹹膩之物而脾
雖喜甘積滯日久蘊熱上熏於口致齒焦黑爛開出
清血血聚成膿膿臭成蟲侵蝕口齒甚致頤頰穿破
乳食不便面色光浮氣喘熱作名走馬疳治之之法
先去積熱用當歸散合三稜散水薑棗煎服次投蘆
薈丸玉露飲及以溫鹽水灌漱或軟雞翎蘸鹽水拂

疳疔馬疳

疳疔

疳疔

洗略拭乾仍以燒鹽散內金散蜜陀僧散傳之若經久不愈者傳於唇之上下乃成崩沙證或穴發滿腮齒落骨露飲食減少氣促痰鳴必致危矣

紫金散

茅先生名

治小兒走馬疳

黃丹

蛇床子炒令黑

地龍炒令黑

青礬壹分煨過

右末每服一字指牙斷上一日三次搯

秋霜散

治小兒崩砂

好砒半兩

白礬肆分

右用水三分一盞先煎水令蟹眼沸來便下砒煨

水乾為度即下白礬末同煨乾為末取出入好麝香少許好垓子少許同拌合為末每使一字用鵝毛點拂牙斷上一日三四迴拂即愈

惠眼秋霜散

治崩沙齒斷欲落

粉霜

砒霜

白礬各壹錢

右為末用北艾一大團裹定上件藥末以石灰滲艾上後用椀盛發火燒盡細研以手捻少許指齒上用鹽湯漱口燒時以蓋子蓋定恐走了藥氣

乳香

輕粉

砒研各伍分

治走馬牙疳如神

麝香 少許

右先將乳香研細入輕粉麝香共再研勻用薄紙一韭葉開去藥內按過揉紙少許丸如黃米大臨卧將藥填在患處至明則愈忌食醬醋鹽等物

砒霜

蟾酥 各壹字

粉霜 半錢

龍骨 壹錢

定粉 壹錢半

龍腦 半字

右先研砒粉極細次入龍骨再研次入定粉等同研每用少許傳之
右方皆犯砒非極不用

仙人水鑑治小兒走馬疳蟲透損骨者方

右用天南星壹枚當心剉作窠子安好雄黃壹塊在內用大麥麪煨候雄黃鎔作汁以蓋子合定出火毒一宿去麪研為末入好麝香少許掃在瘡上

集驗方治小兒走馬疳

右用蠶退紙不計多少燒成灰存性入麝香少許貼患處佳

茅先生小兒崩砂方

雞內金

蘆薈

白礬 火煨

乳香

地龍

麝香

右各少許為末候小兒睡着以藥末搽牙斷上
定命散 治小兒走馬疳

白礬

綠礬 各等分炒
壹大錢

右同研勻用大麥麩伍錢糞葱壹寸研爛將麩同
搜和軟硬得所為餅子將研勻者藥裹在中心用
文武火燒存性於地坑內出火毒一宿又研如粉
入鈔霜貳錢同研令細每服一剗耳許搽牙上二
二遍

蟾灰散

治小兒走馬疳

乾蝦蟆 壹箇大者
燒存性

五倍子 各壹
錢

麝香 少許

右同研蜜水調塗齒根上未止更用之
聖散子 治小兒走馬疳

膽礬

龍膽草 各壹
兩

右同於瓦瓶中煨煙盡略存性貼瘡上
生金散 治小兒走馬疳

天南星 壹箇重者
壹兩者

綠礬 壹兩

右先安排南星在乾地上用礬與南星同處四邊
以灰火燒煙盡為度取出後研如粉入當門子壹

粒先含漿水洗貼之

劉氏家傳李琬麝香散 治小兒走馬急疳口臭牙

齒損爛及攻蝕唇鼻頤頰累治未效者可用此方

麝香壹錢 真者 黃檗壹兩 去皮 杵末 青黛半兩 上好者

雄黃壹分 飛研

右件杵研極細如有患者先以綿纏筋擦却齒上
蝕損死肌以軟帛拭去惡血量瘡大小乾搽日夜
五次用之或血盛併多不定者加定粉半兩同研
用如前法

黑神散

龍膽草剉 青膽礬

右等分用甘鍋子壹箇先入膽礬在內次入龍膽
草用鹽黃泥固濟留一眼子週迴用炭火燒至眼
子上煙斷為度放冷取出研細入麝香少許如有
患人看瘡內大小乾擦貼之立効牙疼乾擦牙根
有鮮血出并腫爛牙擦之即愈

孔氏無比散 治小兒走馬疳 真蟾酥各半 綠礬各半

麝香壹分 別研 沒藥各貳分

右四味一同用大甄一口鑿中心作竅穴子勿令

有走馬疳

透地便安四味藥在穴中週迴用紅着炭三斤燒過取出同麝香再研勻如有患者以雞翎微濕沾藥末掃於小兒齒上立效

王氏手集治小兒走馬疳口鼻生瘡牙齦腫爛諸藥不能治者

柵葉拾片乾者

麝香少許

右以蘆薈為末水調塗葉上炙乾又塗又炙凡塗炙數遍為末瘡濕乾摻

安師傳走馬疳藥方

此疳齒中不任血出多

右用蠶退紙燒灰止血時間令住若用地骨皮中

嫩處為末貼之便永止

曾氏燒鹽散

治走馬疳牙根肉潰爛黑臭

椽斗子

不拘多少

右每用大者兩箇入鹽滿殼蓋作一合或五六箇至十數箇安在火內和鹽燒透取出地上以瓦盆蓋定存性候冷入麝香少許乳鉢內極細杵勻每以半錢塗搽患處常收用小瓦合盛貯勿使紙裏蓋能作潤

內金散

治牙根肉臭爛黑色有蟲作痛

雞內金

即雞臍內皮陰乾壹兩

白芷

銅青各半

麝香壹字

右前三味剉曬或焙為末仍以麝香乳鉢內同杵勻每用一字或半錢乾擦患處先用溫鹽水濯漱後傳藥

蜜陀僧散

治走馬疳齒焦黑爛

蜜陀僧

壹兩

輕粉伍拾

麝香

壹字

右件為細末同輕粉麝香乳鉢內杵勻每用半錢擦患處

走馬牙疳神效方

乾薑白礬聚子燒焦存性為末傳患處 尿桶中

白焙乾為末入冰片少許搯牙立効

右自冰鑑方以下不犯砒為妥

治走馬牙疳用溺桶中白垢火煨過每壹錢入銅綠叁分麝香壹分半傳之立愈

紅鉛散

治走馬疳

綠礬不以多少色鮮明者入乾鍋用炭火燒鍋赤傾出以好酒灑拌勻再入鍋如此數遍色紅研作細末入麝香少許先以溫漿水洗漱淨用指蘸藥有疳處貼之

濱山蘭香散

治小兒走馬疳牙齒潰爛以至崩砂

出血齒落者

輕粉 壹錢

蘭香子 壹錢

蜜陀僧 半兩醋為末

右研如粉傅齒及齦上立効

議曰嬰孩受病證候多端良由氣鬱二焦疳分五藏內有腎經常虛得疳名之曰急以馬走為喻治療頗難此等下證初作口氣名曰臭息次第齒黑名曰崩砂盛則齦爛名曰潰槽又盛血出名曰宣露重則齒自脫落名曰腐根其根既腐何由理之今將秘方具述於後

傅齒立効散

鴨嘴膽礬 壹錢匙上煨紅研

麝香 少許

右研勻每以少許傅牙齒齦上文一方用蟾酥壹字加麝和勻傅之

議曰血之流行者榮也氣之循環者衛也變蒸足後飲食之間深恐有傷於榮衛而作眾疾其或氣傷於毒血傷於熱熱毒攻之虛藏所受何藏為虛蓋小兒腎之一藏常主虛不可令受熱毒攻及腎藏傷乎筋骨惟齒受骨之餘氣故先作疾名曰走馬非徐徐而作所宜服藥甘露飲地黃膏化毒丹消毒飲其外證以前件立効散及麝酥膏傅之切

忌與食熱毒之物此疳不同常證乃係無辜有作
醫宜深究保全為上若用常方難擬愈活

獨活飲子 治腎疳臭息候

天麻 木香 獨活

防風

麝香

少許為細末研和入

右各錢重為末每服一錢七小者半錢麥門冬
熟水調下

三黃散 治腎疳崩砂候

牛黃 大黃 生地黃

木香 青黛

右等分為末每服一錢七熟水調服

人參散 治腎潰槽候

肉豆蔻炮 胡黃連 人參

杏仁炒 甘草炙

右件各等分為末每服一錢七小者只半錢温熟
水調服

檳榔散 治腎疳宣露候

木香 檳榔 人參

黃連 甘草炙

右等分為末每服一錢小者半錢熟水調服

黃耆散 治腎疳腐根候

黃耆 蜜炙

牛黃

人參

天麻

全蠍 炒

杏仁 炒

白茯苓

川當歸

生地黃 洗

熟乾地黃 洗

右等分爲末每服一錢小者半錢七煎天門冬熟

水調服 麥門冬亦得

地骨皮散 治腎疳齲齩牙齒肉爛腐臭鮮血常出

生乾地黃 兩

真地骨皮

細辛 各壹分

五倍子 炒令焦黃

貳錢重

右件爲細末每用少許傅之頻與功效喫不妨
議曰本經所載疳證有五謂五藏所受故得其名
今述腎疳一藏有五證候者最爲要急不可同常
此疾共陳有五種候傳迅疾可畏乃知走馬之號
不誣初發之時兒孩口臭上干胃口氣息臭鬱漸
進損筋斷肉生瘡或腫或爛其齒焦黑又進從牙
槽內發作瘡疱破潰膿爛又進熱逼筋脉時時血
出其熱注久牙斷腐壞槽寬齒脫六七歲孩落盡
不復更生豈可治療今以妙方宜速與傳變而理
不待疾作而後藥也

阿服

茅先生朱砂膏

治小兒驚積驚熱

朱砂 半兩

鵬砂

馬牙硝 各叁錢

真珠末 壹錢

玄明粉 貳錢並別研

龍腦

麝香 各壹字

右件各為末於一處拌和合用好單角起不久其藥自成膏如小兒諸般驚用藥一黃豆大常用金銀薄荷湯少許化開下如遍身潮熱用甘草煎湯下狂躁惡叫用生地龍自然汁化下一臘及一月日內小兒不通下藥可用藥使乳調塗在妳上冷牙兒喫妳吮下

茅先生牛黃膏

治小兒膈熱及諸熱鎮心解毒

川鬱金 半兩用皂角參寸巴豆米粒水

一梳銚內煮乾不用皂角巴豆

馬牙硝

甘草 炙各半兩

朱砂 壹錢

鵬砂

寒水石 各壹分

龍腦

麝香 二味隨人意入

右件為末鍊蜜為膏芡實大每服一丸麥門冬熟水化下

天竺黃散

治小兒諸熱

天竺黃

川鬱金 用皂角水煮乾

茯苓 去皮

麥門冬 各半兩

蟬蛻 去足

全蠍 去土拾肆箇

好走馬

切計

全蠍

白僵蠶

各拾肆

甘草

壹兩

朱砂

壹分

龍腦

麝香

隨意

右件各淨洗研羅為末每服半錢一錢用蜜熟水調下

三解牛黃散

治小兒潮熱實熱

白僵蠶

全蠍

防風

白附子

川黃芩

桔梗

川大黃

甘草

白茯苓

人參

川鬱金

用皂角水煎乾

右前件各等分為末各淨洗細研每服半錢一錢

用薄荷蜜熟水調下

惠眼地黃膏

天竺黃散

各金朱飲子

二方並見初生門重舌條

形證論檳榔散

檳榔

大黃

青皮

黑牽牛

木香

為細末薄荷蜜水調下一錢

當歸散

潮熱

三稜散

蘆薈丸

本門通治條

玉露飲

口齒疳

聖惠云其候唇口癢痛牙齒峭黑舌上生瘡

腦中乾熱斷肉赤爛頰腫齒疼熱毒熏蒸口多臭氣
按此即走馬疳之輕而慢者聖惠形容似太過治
法宜清胃散甘露飲內服外用五倍子炒綠礬燒人
中白等分入水片少許揩牙或加檳榔末殺蟲亦得
譚氏殊聖治小兒大人牙疳諸惡瘡方

黃丹

飛過

乳香

白礬

研

坯子臘脂

各壹錢

輕粉

麝香

少許

右件為細末看瘡大小臨時用藥先用漿水洗瘡
淨上藥乾擦

聚寶方黃礬散治大人小兒齒斷宣露骨槽風小

兒急疳斷肉爛惡腫痛

黃礬

壹兩研入甘
鍋燒通赤

生乾地黃

梧桐律

川升麻

各半兩

乾蝦蟆頭貳枚
炙焦

右五味為末每用半錢乾貼良久吐津甘草水漱

口一兩服立効一方用熟乾地黃及蟾頭燒灰

劉氏家傳方治小兒口中疳瘡皆下部有蟲燒大麻

子煙熏之

莊氏家傳治小兒牙疳壞爛方

百藥煎

坯子臘脂

右各等分為細末羅過貼患處

吳氏家傳青霞散

治小兒口齒疳

蝦蟇壹箇

甘草炙

青黛各壹分

右研為細末更入真麝少許或兒滿口有瘡臭爛
落下牙齒者以雞翎掃上立効凡用先以鹽湯漱
白了乾拭用

安師傳治小兒口齒并喉齶疳瘡如白膜者

用輕粉黃丹等分乳汁和塗瘡上即時如殼退下

治小兒疳蝕動唇齒及瘡生方

蟾頭壹箇大者燒灰

麝香半錢

右研勻如粉摻於瘡上立効

治小兒唇口及齒根宜露牙斷生瘡臭爛方

葶藶炒

胡黃連各貳錢

黃丹半兩

右為末每半錢於牙斷上貼之不得嚙津莊氏第
十二條

祕方治牙疳腐爛及下疳瘡

海巴白者貳箇赤者壹箇

輕粉各伍分

海螵蛸壹分

真珠貳分

龍骨貳分

共為細末用冷茶漱淨將藥敷上

鼻疳聖惠夫肺氣通於鼻鼻者肺之候若小兒乳食
不調上焦壅滯令疳蟲上蝕於鼻也其候鼻中赤癢

壯熱多啼皮毛乾焦肌膚消瘦咳嗽上氣下痢無常
鼻下連唇生瘡赤爛故曰鼻疳也

治小兒鼻下赤爛心煩躁鼻中生瘡漸漸轉多及身
上焦躁日夜疼痛急治之方

訶子 貳箇

豆蔻 叁箇

黃連 陸分

防風 半兩

朱砂 壹分

右為末飯丸麻子大每服荆芥湯下三九

丙服湯氏五福化毒丹

治蠱鼻清膈涼血

玄參

桔梗 去蘆各壹兩

赤茯苓

人參

馬牙硝

青黛

甘草 各壹分

麝香 伍分

一方有龍腦 伍分

右除麝香牙硝另研一處為末次和青黛等煉蜜
丸如芡實大金銀箔為衣薄荷湯化下瘡疹餘毒
磨生犀角水下上焦熱壅口齒鮮血宜露鼻氣用
生地黃汁化下食後

澤瀉散 治小兒肺積鼻内生瘡及鼻下赤爛

川澤瀉

川鬱金 生

甘草 炙

山梔子仁 壹分 炒各

右為末每服嬰孩一字二三歲半錢五七歲一錢
甘草湯調下一日二服宜再用青金散傳之

自製枇杷葉散

治鼻疳赤爛

枇杷葉

去毛陰乾壹兩 山梔子 半兩

百部

檳榔

各貳錢半

右為細末每服三錢兒小者二錢更小一錢白湯

調下

外傳

田氏治法先用甘草白礬湯洗淨後摻蘆薈黃連黃
檗末日三傳一方用米泔洗黃連末傳日三四
次亦佳

青金散

銅青

白礬 生各壹錢

錢乙蘭香散

右為末每用少許傳鼻下

蘭香葉

菜名燒灰貳錢 銅青 半錢

輕粉 貳字

右為細末令勻看瘡大小乾貼之

張渙石膽散

治鼻疳病疳蟲上蝕於鼻赤癢及連

唇生瘡赤爛

石膽 壹兩

地龍 壹分洗淨

頭髮 燒灰

葇若子

生用各半兩

右件搗羅為細末入麝香壹錢同研勻每服一字
貼於瘡上

吉氏家傳治鼻下赤爛疔方

青黛 壹錢

麝香 少許

熊膽 末半錢

右末睡時貼少許在鼻下

朱氏家傳治小兒鼻下濕癢疔瘡方

右用大棗壹枚去核以白礬壹塊內棗中文武火

煨存性細研塗瘡如瘡乾以麻油調塗

聖惠治小兒鼻疔癢吹鼻蟬殼散

蟬殼 微炒

青黛 細研

蛇蛻皮 灰

滑石

麝香 細研各等分

右件藥搗細羅為散都研令勻每用菉豆大吹入

鼻中曰三用之疔蟲盡出

錢氏白粉散 治諸瘡

烏賊魚骨末 叁七

白芨末 貳七

輕粉 壹七

右末先用清漿水洗拭過貼之

眼疔 龍木論治小兒疔眼外障此眼初患時皆因腦

頭上有瘡或因經日多時瀉痢潛衝疼痛淚出難開

膈間伏熱氣肝風入眼初患此疔時癢澀揉眉咬甲

致令翳生赤腫疼痛淚出難開臉硬白睛遮瞞怕日

合面卧不喜擡頭此疾不宜燒灸頭面恐損眼也切

忌點藥宜服殺疳散退翳丸 聖惠論夫肝開竅於
 目目者肝之候若小兒內有疳氣肌體瘦羸而藏府
 挾於風熱壅滯不得宣通因其乳食過多胸膈痰結
 邪熱之氣上攻於目則令腦熱目癢或赤爛生瘡或
 生障翳漸漸遮睛久而不差損於眼目故號眼疳也
 玉訣云此患先與涼膈後瀉肝次淋洗之即無誤
 也又云此患小兒肝熱宜瀉肝散蕤仁膏涼膈退熱
 又云小兒疳眼雀目斑瘡入眼者先與利膈退熱涼
 心經後與疳藥也
 龍木論殺疳散

防風 龍腦 小牡蠣
 白芷 細辛 五味子各貳兩
 右為末每服一錢食後粥飲調下
 退翳丸

黑參 防風各壹兩 細辛
 石決明 車前子各半兩 桔梗
 黃芩各壹兩半
 右為末鍊蜜為丸梧桐子大空心茶下十九
 玉訣瀉肝散
 木賊 威靈仙 紫參

家菊花

羌活

蟬蛻

大黃

甘草

石決明

腦子少許

右為末每用藥二錢豬肝一兩批開去膜摻藥
在內線纏米泔煮熟嚼下

蕤仁膏

蕤仁肆拾玖粒腦子少許

右研成膏用燈心點少許

靈苑糯羊角丸 治肝肺壅熱眼生弩肉赤脉澀痛

及赤眼障翳睛疼癢痛羞明及小兒風疳燥陽眼

神妙

糯羊角

屑曬乾脆為末甘草生

白何首烏

瓦松

以紗絹內洗去土各壹兩

生乾地黃洗

鬱金

炮過用地上去火氣各貳兩

右件六味並細剉曝乾搗羅為細末鍊蜜為丸如
梧桐大每服十五丸用濃煎淡竹葉黑豆湯冷下
食後臨卧服小兒丸如菘豆大每服七丸至十丸
譚氏殊聖退雲散 治小兒疳眼啞喑饒啼不住

草決明

止瓜根

大黃

玄參各半

甘草炙

宣連

矜矜石

井泉石是方
研各壹分

右細為散每服一錢米一盞同煎至七分五度與

張煥井泉石散

治眼疳邪熱攻於眼目漸生翳障

致損睛瞳

井泉石 壹兩

晚蠶沙

夜明砂 各微炒

石決明

甘菊花

黃連 去鬚各半兩

右件搗羅為細末每服一錢用米泔一盞入生豬肝少許煎五分肝爛為度放溫時時服乳食後

胡氏家傳豬膽黃連丸 治小兒疳瘦大治肝疳作

眼疾白膜遮睛諸藥不痊者

胡黃連

雄黃 細研

夜明砂 細研各等分

豬膽 數箇

麝香 少許不入膽者

右為末以豬膽汁調藥稀稠得所却入豬膽皮內以線緊繫口米泔水煮五七沸取出放冷先以麝香於乳鉢內研細却入藥一處同研不用膽皮只取出藥候細用軟飯為丸如大麻子大每服十九丸大者加至十五丸米飲吞下如疳氣盛須用陳米飲下治小兒肝藏風熱眼中不見物及有汗方

石決明

乳香 各壹分

龍膽 貳分

疳

大黃半兩

右為末每服兩錢用薄荷溫水調下莊氏第十六候用此方

疳濕巢氏云疳濕之病多因久利脾胃虛弱腸胃之間蟲動侵蝕五藏使人心煩懊悶其上蝕者則口鼻齒斷生瘡其下蝕者則肛門傷爛皆難治或因久利或因藏熱嗜眠或好食甘美之食並令蟲動致生此病也 聖惠夫小兒嗜食甘味多而動腸胃間諸蟲致令侵蝕藏府此猶是蠱也凡食五味之物皆入於胃其氣隨其府藏之味而歸之脾與胃為表裏俱象壬其味甘而甘味柔潤於脾胃脾胃潤則蟲動蟲動

則侵蝕成疳也但蟲因甘而動故名之為疳也若蟲蝕下部則肛門生瘡爛開急者數日便死宜速療之 夫小兒乳食不節冷熱相乖傷於藏府致疳氣也若脾胃虛弱則哺乳不消大腸虛寒遂變泄痢因其久痢不止腸胃俱虛為水濕所乘腹內蟲動侵蝕下部故名疳痢濕蠱也

千金除熱結腸丸 斷小兒熱下黃赤汁沫及魚腦

雜血肛中瘡爛生蠱生蟲

黃連

蘘皮

苦參

鬼白

獨活

橘皮

疳

疳

疳

芍藥

阿膠各半

右八味末之以藍汁及蜜丸如小豆日服五丸至

十丸

冬無藍汁可用藍汁子壹合春蜜和丸

薑蜜湯金治濕蘊

生薑汁伍合

白蜜叁合

黃連叁兩

右三味以水二升別煮黃連取一升去滓內薑蜜

更煎取一升二合五歲兒平旦空腹服四合日二

杏仁湯金治蘊

杏仁伍拾枚

苦酒貳升

鹽壹合

右三味和煮取五合頓服之小兒以意量服

治蟲蝕下部方

胡粉

雄黃

右二味各等分末着穀道中亦治小兒

張渙桃白散

治腸胃俱虛腹內蟲動侵蝕下部疳

痢濕蘊

桃木白皮

黃檗蜜炙

黃連去鬚炒

蛇蛻皮半兩

乾蝸牛壹分

青州棗伍拾枚去核燒灰

右件同搗羅為細末入定粉麝香各壹分同研勻

每服一字粥飲調乳食前

如聖丹

海州

四非

乾蟾米枚燒灰 蟬殼半兩 蚘蛇膽

大棗去核燒灰 麝香壹分已下 黃丹

定粉 麝香並細研

右件同拌勻用好醋一大盞都搗二百下成膏

如黍米大每服五粒至七粒米飲下量兒大小加

減或化二三兩粒塗患處若蟲出乃愈

錢乙金華散 治小兒一切濕瘡癬疔

黃礫 黃連各半兩並 黃丹壹兩

輕粉壹錢 麝香壹字

右同研勻先以溫水洗後貼之

化蠶丸 治諸疳生蟲不時啼哭嘔吐清水肚腹脹

痛唇口紫黑腸頭濕蠶

蕪荑 蘆薈 青黛乾

川芎 白芷梢 胡黃連

川黃連 蝦蟇灰各等

右為末豬膽汁浸糕糊丸麻子大每服一二十九

食後臨卧杏仁煎湯下其鼻常用熊膽煎湯筆蘸

洗俟前藥各進數服却用青黛當歸赤小豆瓜蒂

地榆黃連蘆薈雄黃為末入鼻瘡斂

疳瘡 聖惠天小兒疳瘡生於面鼻上不癢不痛常有

汗出汁所流處隨卽成瘡亦生身上小兒多患之亦是風濕搏於血氣所以不癢不痛故名疔瘡也錢乙論疔在外鼻下赤爛自揉鼻頭上有瘡不着痂漸透耳生瘡治鼻瘡爛蘭香散諸瘡白粉散二方並見主之

張煥四珍丹 治諸疔羸瘦毛髮焦黃口鼻生瘡

乾大蟾壹枚去四足 孽開腹入胡黃連半兩在腹內以線縫合用濕紙二三兩重裹以泥四子固濟用木炭火燒令通赤為度放冷去泥搗為細末 麝香壹分 蘆薈半兩

右件都拌勻再研令細以白麪糊和如黍米大每

服五粒至七粒粥飲下量兒大小加減

熊膽膏 治疔瘡不差

熊膽 蝮蛇膽 蘆薈各半
黃礬壹分瓜州者良已上搗羅為細末次用 麝香
牛黃各壹分 龍腦壹錢並細研

右件細研勻以井華水三合攪勻盛銀器中重湯煮成膏每用少許塗患處

治小兒一切疔毒有瘡方

苦棘皮伍斤 七姑葉半兩 甘草
白礬各貳兩 葱白拾莖

右麤搗令勻用水五斗煮五七沸旋旋添洗瘡處
如久患只兩服立效

譚氏殊聖治小兒疳肥瘡多生頭上浸淫久不差及
耳瘡等悉皆治之

石綠

白芷各等分

右以生甘草水洗瘡傅藥自愈

通治一切疔方銅壁山人曰凡治疔不必細分五疔

但虛則補之熱則清之冷則溫之吐則治吐利則治

利積則治積蟲則治蟲不出集聖丸一方加減用之

屢試屢驗



